

武備志

百六十三之七

古

漢書門	
二五	三五
一五	三六
三四	五六
三七	六六
冊架函號類	

內閣文庫	
漢書	二五
函架	三三
冊架	三六

內閣文庫	
番號	漢 2536
冊數	37 ( 25 )
函號	299 239

廿五

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





神備志卷一百六十三

淺草文庫

防風茅元儀輯

占度載

占十六

占風雨



茅子曰占之書凡數百種皆割裂而見其類于占風雨獨錄測天賦玉帝親機二全書者以其文不可割裂也他書有同此者刪之若二者之占則各自有類此則測其候耳

式備志卷一百六十三 占度載 占風雨 一

測天賦

高明上覆日月星辰沉潛下載風雨龍神

高明天也天本一氣輕清而運旋於上沉潛地也地本一氣重濁而定位乎下日者太陽之精積而成象光明外發體魄內含月者太陰之精積而成象光以映照盈極而缺星者五行之精木曰歲星火曰熒惑土曰鎮星金曰太白水曰辰星也經者陽氣之餘三垣二十八宿也辰者十二辰次也娵訾降婁大梁實沈鶉尾鶉火鶉

首壽星大火折木星紀玄樛是也角亢氏房心尾箕東方七宿爲蒼龍之體斗牛女虛危室壁北方七星爲靈龜之體奎婁胃昴畢觜參西方七宿爲白虎之體井鬼柳星張翼軫南方七星爲朱雀之體環列於四方隨天而西轉夫天者羣物之祖懸象著明運而爲二曜分而爲五星列而爲二十八宿會而爲斗極天有四時陰陽寒暑係爲陽氣在內不得出則激搏而爲雷陽氣在外不得入則周旋不舍而爲風天地相感

陰陽相搏，氣積而成雲，陰陽和泰，天地氣交而為雨。若夫太清之世，十日一雨，雨不破塊，一歲三十六雨，是謂休徵。時若之應，龍即蛟龍，神即雷神，龍屬乾，雷屬震，二者感陰陽之氣動而飛翔，所以降雨也。風雨特二氣之所致，則龍神附而主宰之也。

凡雨三日以上為霖，久雨謂之淫。天鏡曰：天雨三日以上不絕，陰謀興，無雲而雨，謂之天泣，其占為國失政。

凡泰和之世，雷雨必作於巳午陰生之後，至夜雨止者吉，作於子丑寅卯至午為晴者，為亂為兵。

凡雨作於四時旺相之日，草木得之，莫不榮盛，其休囚之日，雖有雨，不能生物也。

占斗光之明暗，辨月色之初新。

斗光，北斗七星之光也。明光潤澤也，暗昏翳也。初新謂初生明上弦之月色也。凡黃昏時候，視北斗中外左右有無雲氣，又視新月上下左右。

有無雲氣然後知陰晴風雨也

魁畔黑雲見露滋於當夜

魁星北斗前四星也畔邊傍也若此星之傍有

黑雲遮蔽并掩斗口者主當夜有雨

罡前黃氣知潤澤於來晨

罡天罡也北斗第七星之名也北斗後三星為

杓黃氣謂雲氣黃色潤猶濕也澤雨澤也若罡

星前忽有黃色雲氣潤移時不散釋者主來日

有雨

遍掩映而三日

遍普遍也掩映謂雲遮而薄有如紗窻之透明

也凡北斗遍被黑雲遮掩主三日內有雨若無

雨主大將有憂

獨溟濛而半旬

獨孤獨也溟濛天色昏濛而不明也半旬五日

也凡北斗間或一二星或五六星有黑雲氣溟

濛遮蔽主五日有雨一日四望無雲惟北斗中

外上下有雲氣潤者亦主五日有雨一日凡黑

雲低下廣而厚者主當日雨。日四望無雲斗北斗中  
戊巳六龍若魚行而大灑。

戊辰巳巳名曰六龍。平旦時占看日下入夜時  
占看北斗若有雲氣蒼潤如魚龍鱗狀或停止  
或飛行遮掩斗口者主當日雨不然亦當主夜  
雨遮日亦然。


斗間五色如龜動以長津  
北斗間有五色雲氣移動蒼色如龜如龍之形  
狀動且不一大雨驟至。

類雨天而炎火同中嶽以飄塵

類此類也南天赤氣也大凡斗中有南天赤雲  
氣色者主旱。一曰若赤雲蔽日或蔽斗主明日  
天熱中岳黃雲氣也若黃雲氣昏暗蔽斗或在  
日月上下略不廣密者又主多風披拂塵埃之  
象。

杓白氣而大遭風雨。

白氣即白雲氣也遭逢也若有此氣掩北斗并  
日月廣而密者主有大風惡雨。



一占、每月初一夜視北斗中若有白雲氣而潤澤者、主月內風雨多、節丹震而甚益農人、

節、時節也、丹紅色也、震東方也、甚過也、益利也、言每月節氣相交之日、若早晨有丹霞之氣見於東方者、主節內風雨順行、過乎利益庄農之人、

六甲晴空、一旬竭澱、

六甲謂甲子甲戌甲申甲午甲辰甲寅也、晴空、

言此六甲日長空清明、一旬十日也、竭盡也、澱霖澱也、凡一甲管十日一旬之陰晴、若六甲日天色清明、無雲掩日、其夜又無雲掩斗、主十日晴、若六甲日有雲氣漫天而復下雨、主十日有雨也、

雲氣如出、五行逐面、

逐面逐方面也、雲出時看、在何方上見、如東方有雲、應甲乙日有雨、餘做此、一日青雲在甲乙日、雨、紅雲在丙丁日、雨、白雲主申酉日、雨、黃雲



主戊巳日雨黑雲主壬癸日雨故看五色雲氣逐方面而致雨也

卯日同甲四方之氣象為因謂五卯日與六甲日占也

旦有從蒼諸干之期程定變

蒼青色也諸干謂十干也期程十干變動之候也定變謂此日天色而定變動也平旦時看黑雲出在何方如東方有雲應在甲乙日之類斷與上同

紫烏白兔降未升而雨沾

烏日兔月也沾猶被也凡天氣下降陰求陽也地氣未升坤為地為陰主乎靜陽索之無有不應故晝之日色紫夜之月色白若此者主有雨也

素日丹蟾升未降而災旱

素日色白也丹蟾月色紅也言天氣未降陽背陰也地氣先升以坤陰為靜是殆未必有動先陰者是陰陽反配而不合故晝之日色白夜之



月色赤皆主災旱晴明

陽碧陰綠未交而景色將寒

碧青色也未交不曾合也將寒言天地不交欲

閉塞成冬故也景色時景也此天氣下降地氣

未升晝則日色青夜則月色綠是二氣不曾相

交將寒之象此秋冬之景殆欲隆寒凜冽而興

於時也

奇黑耦青未密而虹霓欲見

奇者陽日也耦者陰月也未密猶相交未定而

泄氣也言天氣既降地氣已升二氣而不足故

日黑月青似雨不雨必主虹霓之見也

若乃重占卯日再聚中夾寒風列土折樹四方雨

瀉無之則別生災異

重占再占也中夾中央也列土言風寒能列地

膚而并折樹也雨瀉言雨急如注也災異不祥

也凡占六甲五卯日若有雲氣來聚者將寒之

象主大風折木四方昏翳如雲氣隨變必有大

雨此天地之變動也若或無雨主別生災異

兵甲攢興有之則大起凶殃、兵賊跳梁奸宄也、攢興互相攢掇興聚也、大起特然起也、凶殃凶惡禍殃也、言甲卯日如前天色、若無雨則大主災殃、然必有賊兵起、事變主在五日內應、

斷五音之宮羽、

斷猶決也、宮羽五音之屬、子午時為宮、卯酉時為羽、辰戌時為商、巳亥時為角、丑未寅申時為徵、一曰宮屬土、商屬金、角屬木、徵屬火、羽屬水、

如宮日宮風時加巳亥有大喪、商日商風時加辰戌有兵起、角日角風時加巳亥有兵起、多死亡、徵日徵風時加巳亥有災疾、羽日羽風時加卯酉有大雨、

裁六義之柔剛、

六義即六情也、如寅午日為廉貞、風從南來、主慶賞歡樂事、巳酉日為寬大、風從西方來、主迺食筵會事、丑戌日為公正、風從西南方來、主執讐俱善、相通和悅事、申子日為貪狼、風從北方

來主侵奪財貨盜賊興起事癸卯日為陰賊風  
雨東方來主七日內有陰謀賊人入界偷營劫  
寨事辰未日為奸邪風從北方來主有賊囚虛  
驚或姦非事如風性不寒事善如昏濁勢大能  
破屋折木者則主大凶也

壬子至于各轄三朝高燥則雲藏數日

壬子癸丑甲寅乙卯丙辰丁巳共六日每一日  
管三日晴冷

假如壬子日日出時見有雲氣低濃或黑雲黑  
氣在北斗上下左右則所管戊午巳未庚申三  
日內有雨也若無雲氣高燥晴明則此三日內  
皆晴癸丑管辛酉壬戌癸亥三日斷如前甲寅  
管甲子乙丑丙寅三日斷如前乙卯管丁卯戊  
辰巳巳三日斷如前丙辰管庚午辛未壬申三  
日斷如前丁巳管癸酉甲戌乙亥三日斷如前  
繼總二十四日推詳所管逐日占之有如山鳴  
谷應之不違

丙子終辛每管五日低濃則雨遍諸鄉

丙子丁丑戊寅巳卯庚辰辛巳共六日每一日  
管五日假如其日有黑雲蔽日或掩北斗則所  
管五日內如前晴雨丙子管壬午癸未甲申乙  
酉丙戌五日丁丑管丁亥戊子巳丑庚寅辛卯  
五日戊寅管壬辰癸巳甲午乙未丙申五日巳  
卯管丁酉戊戌巳亥庚子辛丑五日庚辰管壬  
寅癸卯甲辰乙巳丙午五日辛巳管丁未戊申  
巳酉庚戌辛亥五日併前共六十日則逐日占  
斗光日色定之萬驗無移也

連窺天漢蛇經而霧集雲屯累顧銀河猪越而風  
調雨順

連窺謂連夜窺看也天漢銀河皆天河也蛇經  
謂天河中有雲如蛇經過則主雲霧昏蔽有雨  
猪越謂雲氣如猪形過河也凡天河中有雲氣  
黑潤形如猪蛇往來主當夜有雨  
無雲掩映當旬之草木不沾有氣侵凌逐限之田  
園益潤

掩映謂遮蔽未厚餘光尚照映也言天河中遇

五卯六甲日觀之既無雲氣遮掩又無雲氣往來則所管日內主必晴明若有雲氣在天河中來往者則所管日內決有風雨

黑牛夜半如龍在震以辰期

黑癸水象也牛丑屬也夜半子時也震東方也辰期如與日辰相期不失也遇癸丑日夜半見黑雲氣狀如龍形在東方震上者主辰日必有

雨

青龍辰前似馬當離而午信

青龍甲木也龍謂辰也以辰屬龍之謂辰前早辰之前當猶在也言甲辰日早辰有雲氣形狀如馬在離上者主午日或午時必有雨至

月初兩曜青黑潤明旬當數雨黃赤乾晴

月初乃初一初二三也兩曜日月也青黑以日色或青或黑潤明雲氣潤濕而明也凡月初占若日月青黑明潤者主月內多雨如黃赤氣若此者則枯乾之象主月內多旱每月初一日晴明主上旬十月初二日管中旬十日初三日管

下旬十日斗光日月同占  
旦候孤光雲帶中央而不動日高三丈雨施四面  
以頻行

孤光日也旦候日出時也雲帶言雲氣如縷帶  
之長也中央日輪中也頻行連日凡日出時有  
雲氣如縷帶橫於日中久而不移不散又或蔽  
日而不見者主日高三丈雨至若日高一丈二  
丈時見則主中時降雨  
朝起視東方積土之雲形便瀉

朝早朝也俗謂早晨視猶看也凡早晨起居必  
當先看東方有黑雲起如堆上之形狀久而不  
散者必主有雨

暮歸窺西上累盂之氣象尋傾

暮晚夕也俗謂日落時窺猶視也累盂言雲氣  
如累盂器皿重疊堆積也傾猶急瀉也凡日落  
時見西方有雲氣如累盂形狀層層而起者主  
有雨

晨候北方雲多黃黑晚望南行雷雨立見

武備志卷百三十一  
晨候占早辰時見北方有黃黑雲氣濕潤長二里許毋分大小片朵皆向南飛者主壬癸日時必有雨餘則以例推之

躍躍猪氣山奔如七子之期

躍飛跳也猪氣言雲有如猪之形氣也山艮屬也言雲氣飛奔艮寅東北方上有若猪走上山之狀也七子謂七日也期候也凡早辰間見西方有雲氣狀如猪走上山飛行望東北者必主丙子有雨七子言應七日內也

鬱鬱離風乾飛去八辰之索

鬱抑鬱不伸也離風南風也乾西北也八辰謂八日索應也凡早辰間見北方有黑雲氣抑屈蒼青飛行之緩南風忽轉北風吹送如飛者主乙卯日雨或應八日內有雨東北風亦然

雲帶橫列寅卯爲甲乙之名

有雲縷如帶橫列寅卯方上久而不散者至甲乙日有雨一說寅卯日見主甲乙日雨一日陰陽雲氣若帶潤色者亦當日有雨陰雲而昏濁



陽雲而輕霧亦皆主雨。

日輪之次當辰巳作丙丁之說。

日輪日轂也凡日行至辰巳上有雲帶橫列則

主丙丁日下雨。

午未之間見陰戊巳日以無差。

言午未方上見陰雲如縷帶蔽日不見者主戊

巳日有雨。

坤申之上雲行庚辛日而不易。

坤申西南方也西南方上有雲氣飛縹掩日主

庚辛日有雨。

若當炎旱熒惑少退於河津。

炎旱日酷而久晴也熒惑南方火星也河津天

河也凡天時欲旱則日色酷烈而火星守天河

必主旱一日天河中星辰稀少皆主旱。

或遇霖淫辰象曜繁於漢汨。

霖淫雨久多而不止也辰水星也象星象也漢

汨亦天河也言天漢本天河特金之餘氣秋夜

最明又曰明河凡天時作大水則水星守天河

更天河中多星辰而密厚若此者必主大雨  
五色交錯赤黑相兼天威雹凍神怒雲簽

五色赤紅青白黑也交錯縱橫擾雜也相兼色  
溷而不齊也天威言皇天之威有不忻悅故肅  
殺一時而降雷雹也神怒言雷神震怒揚威鞭  
而交飛也凡平日時見天上有五色雲氣交錯  
兼赤黑多而往來擾亂者必主大雷雹風雨也  
一云黃色簽少必雨少  
漫灑輕吹遠邇而人君惠重

漫灑陣雨忽降也輕吹煖風披拂也若此者人  
君何德以致之則遐邇蒼生感惠政而來王之  
民也凡時月風和雨細不損禾稼此人情順化  
上下同心然也

迅飄頓瀉高低而逢主猜嫌  
迅猶速也飄去而急也頓瀉陡然傾注也言急  
風惡雨震地崩山水勢飄薄若此者大不祥也  
乃人君失政致之故災害及民物必有奸宄事  
君正臣忠先風後雨以祥審上驕下諂始雨後風

武備志卷之三 占度載 占 占風雨 十六

而禍占。

君正臣忠、風調雨順、上驕下諂、旱魃霖淫、凡先風後雨、陰氣順也、先雨後風、陰氣逆也、一日初雨便晴、德化順行、主君臣和睦之象、若雨後雲尚滿天而陰者、主君臣不和、又日夜雨日晴、君責臣罪、日陰夜晴、臣謀主上、如晝夜俱陰、主大凶變。

鎮逆入河、法令急而淋潦。

鎮乃星名、鎮星中央土星也、若此星逆行入天

河、主法令急酷、淋潦爲民物之災戾也。

熒惑反求、致理乖而旱炎。

熒惑南方火星也、若與辰星相犯、或入天河、必主大旱、乃政理錯亂以致之。

驗陰陽開闔之節。

闔猶閉也、言天地閉塞成冬、則否體驗之亦達、天氣下降、地氣上升、則泰體驗之亦達、又須審看何日時也、一日陽開陰闔、各有節序、達璿璣運行之數。

璿璣天象器物也。舜典璇璣玉衡以齊七政。其圓而運轉者爲璣。其持正者爲衡。圓者徑八尺。以璿珠爲之。懸而運之。以象天之形。直者長八尺。以美玉爲之。孔徑一寸。從下望璣。以視星辰之行度。以觀天象也。日月五星皆以此度。知其盈縮進退焉。馬融曰。渾天儀可旋轉。故曰璣。所謂衡者。其橫簫也。璿爲璣。玉爲衡者。重天象也。夫天傾西北。極居天之中。二十八宿半隱半見。仲春之月。星火在東。星鳥在南。星昴在西。星虛在北。至仲夏。則鳥轉而西。火轉而南。虛轉而東。昴轉而北。仲秋。則火轉而西。虛轉而南。昴轉而東。鳥轉而北。仲冬。則虛轉而西。昴轉而南。鳥轉而東。火轉而北。來歲仲春。鳥復轉而南矣。循環無窮是也。

四仲加變。朝中夕半。以興雲。

四仲子午卯酉也。朝中午時也。夕半子時也。凡四仲年月日時。若太乙初移宮。有雲掩日而青黑潤明者。必主有雨。言早辰及日落加之雲變。

故耳

六壬發轉龍水支干而致雨

六壬占常以月將加月建及月朔占神后爲大雨大冲爲小雨若依鬼谷神課則以月將加時順數至雲起方上傳成四課而論之也若依大六壬占以月將加正時視支干三傳而得水騰於上火伏於下青龍升坐玄武入穴必主有風雨萬驗無差但節前三日不占

支干雨位非其所以無多

支乃十二支也卽地支子丑寅卯辰巳午未申酉戌亥干乃十干也卽天干甲乙丙丁戊己庚辛壬癸謂干支之任天地以之分野各有所屬也若欲推極其妙必當以分野定之凡斗光日氣該雨不雨各有方位分野而降雨也甲齊乙東夷丙楚丁南蠻戊韓魏己中州庚秦辛西戎壬燕癸北狄如十二辰則子爲齊丑吳越寅燕卯宋辰鄭邯鄲巳楚午周未秦申晉酉趙戌魯亥衛

月宿十精當其方而遍溥

春三月丁丙日夏三月戊巳日秋三月壬癸日  
冬三月甲乙日巳土四季八日皆土旺用事今  
以日值庚辛名月宿十精日其日不問有無雲  
氣但逢此日必主大風雨若陰雲不定陰雨不  
應是土旺用事時庚辛方則應春夏秋冬如前  
八日則應

金水出入起風霧以連天

金星水星情性不定或主雨或主風凡金水二

星初出入之日必主風雨

畢月相逢布雲雷於下土

月犯畢宿必主有雨一日日月離箕宿則多風  
離畢宿則多雨所謂星有好風者有好雨者是  
也

銅雀屏氣池枯而徵鳥翅張

銅雀鳥名也屏氣韜音不鳴也池枯言池塘乾  
涸也徵鳥雲氣也如此之時必徵鳥展翅而現  
身也凡出處主大旱銅雀之鳥長安西域有之

武備志卷之三  
二十  
鳴則五穀豐熟今言銅雀屏氣是韜音不鳴也  
又蚨蛛蛇有四翼一名徵鳥凡見處主三年大  
旱

石燕翱翔川溢而商羊鼓舞

石燕藥名也中岳少室山有之謂石燕若飛則  
主有雨故唐詩云石燕拂雲晴亦雨故耳商羊  
亦鳥名鼓舞跳舞也齊國時有一足鳥每舒翅  
跳舞齊侯怪之問於孔子孔子曰此商羊鳥也  
若此鳥舒翅跳舞則主大雨為患出處驗之于

時齊國果然久雨為民物重災

戴君之德五徵不亂以維新

戴猶感也任於首曰戴言民感戴君王之德則  
五徵有序而不亂五徵者雨暘寒暑風皆及時  
而應之徵猶驗也小事有徵大事亦然凡此五  
事不亂至天下太平

任相之賢十義無虧而治舊

言人君得賢宰相任用之則天下大治以其十  
義無虧故耳十義者父慈子孝兄友弟恭夫義

武備志卷之三  
婦隨長德、幼順君仁、臣忠也。無虧言十義、略無一缺。必是賢輔，則天下蒼生子服風調雨順而時序不失。治化復如唐虞也。凡先風後雨為順，先雨後風為逆。若君臣相得，國家必大治。陰陽順逆各有其序而不失也。

尊天貴地、徵秘法以推誠敬鬼重神、握玄機而定譜

覆我者天也，載我者地也。言天地不可不尊重也。言欲求事之有徵，必竭誠意而可也。鬼者，陰之靈也。神者，陽之靈也。以鬼神之為德，又不可不敬重之。達此則玄機歸于掌握，豈特譜叙而贅之也。

武備志卷之三 占度載 占 占風雨 三三



武備志卷一百六十四

防風茅元儀輯

占度載

占十七

占風雨二

玉帝親機雲氣占候

茅子曰凡占之象俱不錄圖此圖獨錄者以其詞  
奧不錄不悉也有雷而不言者以其錄在風雨也  
專言雷者已別具

占度載 占風雨二

觀太陽



歛火出師  
太陽初升有黑雲如雞頭  
如旗旂如山如陣鳥如龍  
頭如蛇如魚如靈芝如張  
蓋如牡丹狀並應本日未  
申時有雨如魚鱗主有風

歛火會金虎出遊

巳午時出未應未申時出  
酉應狂風驟雨乾上出有  
誅伐坤翼艮入無震坎出  
霹靂雷電離兌出入大善

歛火帶煞

歛火會金虎帶雷煞出遊  
來日未申時霹靂大雷雨  
狂風誅人伐朔等事昏天  
暗地飛雲來掩日不開有  
雷雨不小





歛火衝駕

歛火衝駕，巳午時有此雲，氣應未申時雷雨，若未申時現，應酉戌時雨也。

歛火帶虎

歛火帶白虎出遊，主來日未申時雷雨大作。



歛火會雨

歛火會雷霆，大煞，又名奔雞赤鵝，主本日未申時雷霆大作，折樹誅人，驟雨傾盆也。

雨師倒海

雨師倒海，主頃刻雷電大作，霖雨傾盆。





雨師化水

金火大煞至宮，又名雨師化水。春月主當時風雨，夏秋月應未申時雨。

歛火出令

歛火出神霄號令，主當日申酉時烈風震雷大雨傾盆，飛砂走石。



歛火展旗

歛火下水府展旗發號施令，申酉時發現，應當時雷雨霹靂陸地沉波，若半夜子時發現，應次日震雷大雨。

式情心卷之三十四占度載

占占風雨

四



徵鳥現跡

此徵鳥現跡，又名赤鼠。五六月南方有此之象，中夜天河內又無雲，此乃久旱天數不可禱也。

金虎出戰

金虎大煞會戰，主未時雷雨大作，霹靂震動，誅邪折樹，飛砂走石。三月下大雪，如無雪，則有雷雹。

欵火轄雨

欵火號令，雷部諸煞聽命。主未申時狂風飛砂走石，霹靂雷電，驟雨傾盆，拔樹誅妖，天地昏暗。


欵火遣煞

欵火遣金虎傳令，主三日內雷雨大作。





都水出遊  
此是斗中使者名都水使  
者出遊主當日未申時風  
雨大作遍濟通流又看北  
斗左或天河中有濃雲二  
更時前後應



火鈴號令  
北斗陽茫火鈴將軍擲火  
號令又曰赤蛇五六月  
壬子至丁巳日內有雲氣  
如此乃旱數不可祈禱天  
災也




獨雷太乙

歛火與太乙相會若在今  
日現主來日狂風大雨伐  
樹誅人一占主本日未申  
時雷雨大作誅妖伐屋折  
樹



歛火纏舍

歛火傳舍或成段如布襖  
去千丈主大旱狂風若如  
此蔽日主未申時雷雨大  
作誅人畜如掩日雲帶望  
翼方主殺伐



乾精大煞

乾精大煞，黑雲如魚龍雙行度巽方者，三日內風雨大作，轟雷掣電，誅邪伐廟。

歛火展翅

太陽東方升殿時有此黑雲氣，主當日申酉時雷雨大作。



歛火轉陰

早辰有如此雲氣，主當日午未時雷雨大作，如本日不應，定來日午未時震雷疾風驟雨。

歛火伏氣

太陽升時東方如此黑氣，闌遮此為太陽晶伏氣，主當日未申時雷雨閃電，自震巽方起，又起東南風。



觀太陰



辛天君出遊  
辛天君帶金火出遊，四處  
無雲，只有黑雲如此，或如  
龍蛇形蔽月，主來日未申  
時雷雨大作。



辛君步月

此二象皆名辛君步月，子  
丑夜現掩月，冬天主有雪  
凍，夏秋主風雨雷電，并有  
蟲蝗食物，人間遭劫，春三  
月形如龍蛇多者，六七月  
風雨多也。



辛君與使者出遊

來日未申時雷雨大作沉  
天沒地誅人伐畜雷霆霹  
靂

辛君會雷霆


辛天君會雷霆大煞遊月  
宮有黑雲如龍蛇形自巽  
方入月者主明日猛風驟  
雨

使者化陰氣

使者化陰氣出坎天君得  
旨化陽轉陰先施水氣應  
在五日後有小雨連發之  
兆也

陰陽相戰

陰陽相戰此兆否極泰來  
三日內有風雨



雨師灌天河

社令雷神叩天河取水尅離宮應三日後陰沉天氣四五日後有雨無雲之兆

雨師現水像

雷公使者度天河領水入黃道坎宮應亥子丑時有雷雨大作

辛君遊月宮

黑雲如蛇自兌方而入月宮者主三日內必有大雨


使者探月

寅午戌夜一更前後有此兆出擬於申酉亥子日天陰樞機動三日後雷雨大作






觀北斗



鼠形戰陰

此象應三日後有雷先乾坎方動有雷雨大作

有白氣射斗口貪星應來日未申時微雨有白氣射巨祿文星亦如之白氣通



使者會七煞出遊即陰陽大煞主來日申未時雷雨大作迅雷驟雨而行殺伐斗口若無雲射入則主大旱也

使者會北斗都水使者主來日未申時或戌亥時必有雷雨殺伐



使者領火雷五鬼出遊，即  
使者與五氣雷公也。主來  
日未申時雷雨大作，無雲  
則大旱。



使者朝斗，有此黑雲氣來，  
日未申時先雨，後風若斗  
口有白氣先入，後黑氣蓋  
過來。日未申時狂風刮地，  
大雷雨飛砂走石，黑雲通  
蓋過斗七星，不現斗口有  
閃閃龍光。至中雷轉至次  
良方來，日申酉時風雨雷  
電交作。




太乙交官黑氣如雲遮來  
朝斗并有墨黑雲蔽斗者  
至當夜有雨來日大雨若  
開了主明日未申時雨

使者今天罡趕殺一二日  
內主雷雨大作



使者會雨師先黑雲如龍  
蛇或如飛鳥破絮先從東  
北而來先挂廉貞星兩畔  
主三日內雷雨大作後遮  
廉貞星黑一時久者主來  
日未申時雷雨




雷神出遊申酉戌亥子丑  
時方現象主朔風大雪


使者入都水司應在四水  
宿日天陰二日後有風雨



雷神來斗中主明日亂風  
刮地飛砂走石




天罡會太乙二口內主陸  
地成流霹靂大震伐廟誅  
邪



觀南斗

赤雲如此侵遍北斗者，主久旱，不可祈禱，否則蝗蟲火光盜賊熾也。若光芒長，是天災劫數也。

使者過河如黑猪形如陣馬過河，明日未申時大雷雨如天河中有聲如風聲，名使者捲水來，日大雨平地波濤。




金星察訪人間，主三日內定有雨。

久旱數不可祈禱，蟲蝗發，兌方天災劫數也。





金星化水，黑雲掩斗口，不移者，二日後雷雨大作也。



使者捲水，天河中有此水波紋雲氣者，二更前後有響聲，來日大雨。

武備志卷一百六十五

武備志卷一百六十五

防風茅元儀輯

占度載

占十八

占風一

茅子曰風角古知兵者所必詳也不待夜而仰觀不待時而候察吉凶之應在乎頃刻故風之理更微于他占察其八方析其五音感而通之在乎神明故我詳載其說以待志于斯者

武備志卷一百六十五

占度載

占

占風一

凡風之體大抵海體積陰通於地氣氣出成風而赤黑近山風大而沉曠近海風大而昏黑軍聚埃與馬行塵起旋風作於一時暴風起于百里細風及于一方亦自然之理不主休咎風勢動葉其來十里鳴條百里撼木二百里落葉三百里折枝幹四五百里飛沙石千里拔大木五千里半日半夜五千里一日一夜萬里三日三夜半天下七日七夜遍天下

凡大風之候若衆鳥噪空翻飛羣魚出水跳躍星動搖日月昏暈雲片片相逐慘白慘黃聚散不常雲繞日雲脚黃雲行急日光搖太白晨見參宿動燈火燄作聲皆是

凡候風之法選高迥之地立五丈竿上作木盤盤內畫八卦十干十二支羅于上下安三足木鳥機關轉運使鳥銜花搖動卽占之又法用雞羽八兩懸於五丈竿上安營中以驗所發之方八風遲緩疾速無風處有聲如奔馬炎如火則爲人氣所聚十人言語吼如雷發凡吉祥之風日色精明聲氣

式備志卷之百五十五 占度載 占 占風一

和緩從八方而來、人心悅服、凶災之風、日色白濁、  
凄寒昏暗、神靈叫怒、別五音而定吉凶、詳八卦而  
知善惡、若夫發屋折木者為怒風、以彰愆慝、揚沙  
轉石者為狂風、以戒縱逸、錯雜從橫者為亂風、為  
任奸遠賢、啾唧慘澹者為病風、為疾疫大喪、觸塵  
蓬勃者為蔽風、宜審災變、扶搖羊角者為飄風、當  
察奸凶凜冽而砭人肌膚者為殺風、刑罰暴急、猝  
起而南北不定者為驚風、上下不寧、大風而黃霧  
滾滾、白日沉沉者、人君昏悖、政理乖違、大風而此

此論謔蒙蒙陰暄者、大兵將至、預防戰攻、

凡風動皆不安之象、如在山川空穴間、風所出處  
不可占、若城營之內、戰陣之所、風勢異常、日光昏  
濁、發屋撼樹、揚沙捲塵、乃可占之、  
無兵之時、風雲相交為雨、用兵之時、龍虎相交為  
戰、大交大戰、風為主、雲為客、風勝雲、主人勝、雲勝  
風、客兵勝、

兩軍相當、陳師原野、未知勝負、以先舉入他人地  
者為客、後舉自居其地者為主、常以日納音占客

以時及風起之方占主人  
疾風勃起拔木發屋曰眊風君德昏蔽兵火興災  
暴風怒謔雲氣昏暈曰惡風國政昏亂急兵猝起  
風鼓塵翳連月不止曰邪風國有大憂兵火災傷  
急風陰晦連日不散曰寵風女謁煽禍人怨兵起  
旋風損物歛舉上冲曰逆風在朝防失土宇在營  
防敵冲襲

旋風攬土去而又來曰冤風下有冤枉伏尸告變  
風聲哀鳴悲切連日曰哭風火災傷人兵受其敗  
迅風作陣急緩不均曰敗風敵兵大敗我收奇功  
風吹雨血地水赤流曰叛風奸邪謀逆兵起人災  
風熱生蟲食苗之葉嚙人之衣曰殘風淫昏亂政  
兵起大饑

風疾吹而木不動搖五穀茂而不實曰流風臣專  
子奪民受其殃

風氣結聚昏黑籠蔽曰黑風君失其政夷狄侵擾  
風氣結障紅赤橫吹曰紅風賢士災憂奸邪兵起  
風氣急吹中有火光曰神風寇賊起兵殺害忠良

武備志卷之三  
風氣急吹，行人無迹，曰鬼風，兵有異謀，將受凶敗。  
暴風急吹，尖削刺人，曰賊風，賊兵聚勢，暗行冲襲。  
風寒逼人，如水澆潑，曰水風，政濫兵起，上下同災。  
惡風逆吹，發屋損物，曰不順風，臣易上政，民流兵  
起。  
木不動搖，旱風傷禾，曰不擇風，私利蔽公，民災國  
亂。  
旋風入營，吹倒兵仗，曰昭報風，急防敵冲，縱火燒  
營。

暴風卒起，昏塵蔽天，曰冥報風，急兵卒至，謹防冲  
襲。

雲霧隨風，亂掩入營，曰引兵風，宜備驍勇，護其入  
處。

暴風入營，攻倒軍帳，曰惡信風，兵士謀叛，急宜犒  
賞。

風勢溫熱，曰禍風，賦歛無度，民怨盜興。

風溫不常，蝗蟲暴生，曰惑風，君淫政慢，國有變亂。  
風不時常，發於東北，艮方，其勢淒涼，為水恒陰。

風不時常起於西南坤方其勢暄燠為旱恒場

風暴起聲若破鼓有兵必敗

天氣常風君不思善怨生亂作

大風暴起令急刑濫

旋風數日不止兵起屠城

大風拔木火災兵起

風起日下有雲烏潤吉蒼白為水為兵赤黃為旱

風起月下有雲烏潤凶赤白為旱為水災為兵喪

凡出軍之日暴風折旗幟大雨不止此天怒也必

待晴後擇日進兵

兵大舉出城逆風來即結營住守候過後啟行軍

審彼方假令三冬敵在乾而狂風從西北來則不

可攻八方之風準此

兵行之次風卒來突迫軍中人馬辟易前有神廟

祭之則吉

凡出軍風雲不興水草不動有風驟來牙旗折旛

繞竿或下垂者交戰凶一曰將死

凡行軍道逢急風甚雨沾濕人馬行步不利出軍

或連日有霧風聲錯亂，蜜雲不雨，皆防下人有謀。初出軍，旋風旁起，至前軍，飄轉引道者，軍必大勝。軍行回風相觸者，中道必還戰，亦無功。凡軍行有八難：風生，必須迴避；敵來接戰，必敗。八難：風者，遍歷八方，回轉不定，拔木摧屋，吹塵蔽天，望在敵上，急攻之，勝在我軍，嚴備勿戰，行道逢之，宜結營寨，令弱兵退守，輜重奇兵強弩，分據要害。猛將銳卒，陳於軍前，防其衝突，擊其惰歸。初出軍，人聲怯，馬不嘶，或從旁從後風起，吹沙觸

塵，人馬行過無跡，名鬼風，軍必敗。

初出軍日時，風從後來，冲霧捲雲，人馬壯嘶，旌旗前指，鼓角響亮者，全勝。

風從旁來而向前者，得天之助，獲敵資糧，敵人來降。

風從五音相生之方來，生我爲母，子愛我，生爲子，扶母，天色清明，風氣調暢者，必勝。

軍出之頃，有風而草木不動者，賊不可得。軍行有風驟來，吹捲牙旗，旛或繞竿者，此爲天不



順上將死

軍行旗旛指後三軍戰敗將亾若半途逢賊分軍

兩向或戰或住

逆風來攻旗旛脚不進者凶敗之兆一日風雨從

前驟來逆冲者謂之落尸大敗

凡入敵境三日內有風雨雷霆從我軍上發入彼

軍戰大勝

凡軍入敵境未遇戰忽有急風來射我軍有雲乍

東乍西迅速走者急收兵設備

軍行屯營風動旗旛不動如無風然遇敵不交戰

而罷兵

若入敵境經要害駐城壘三日內有風雨雷霆從

我軍上往彼去有怒威之氣此天助必尅城獲勝

軍在敵境下營纔定未逢戰晝夜有急風來射我

軍雲勢奔速乍東乍西急防賊兵逼我營寨

下營畢而風聲卒如雷鳴吹倒旗鎗須防敵至大

戰流血若大風聲如雷吼三朝五日者占同

兩軍相近各有營寨相守未經勝負當察風勢如

風勢遲緩而漸暴急者，宜秣馬誓衆設備，防賊至，必有大戰。風後被軍方，或賊方上來，初起則塵土蓬勃，及至我軍上，低小蕭索不緊者，十里外兵不交鋒，名無戰風。

營陣既列，旗鼓初張，暴風卒掩軍幕，旗旛摧折者，此爲惡兆，主將失位，軍人叛散，大凶。

風急纔住而敵人來者，我軍必敗。

臨陣風從後來，戰大勝。

凡軍行風從後吹來，及鴉在後，順風叫來，戰大勝。

若交戰風雨驟來者，此名落屍戰，大敗。

凡風夜動晝止，賊必夜來攻。

風猛烈如雷者，折木發屋，飛沙走石，急宜備之。

風猛烈如箭急過無蹤，名曰飄風，當速避之。

四季內忽猛風揭瓦揚沙，所來之方必有精兵，急宜備之。

若天氣昏沉，風勢錯亂，密雲不雨爲下謀上。

風雲相交，必見陣，審其慢急，隨人大吉。

軍營內忽有旋風吹偃旗鎗，并撼帳幄者，必有奸

謀

旋風吹物上天，人皆恐怖，我軍有人與賊陰謀，宜撫將佐，犒士卒，則禍去矣。

若與賊相近，旋風歷歷至，隨其所至，設兵備之，或雲氣從外入敵城，從入處攻之，必克。

旋風入寨，亦為狂賊，急宜嚴備。

旋風入敵城，從所入攻之，破。

風飄書物入營寨，勿收取，宜祭土地吉。

風飄物入營，得敵土地，大勝。

營寨上有旋風歷過者，隨所歷處，將有寇至，急宜備之。

旋風入營寨，揚土發屋，倒戈折竿，急宜設備。

旋風在城營中吹，物騰飛上空，不宜固守。

旋風飄衣騰起空中，墜於營宅外，有賊殺至，平時大禍，不出一年。

春甲子風，主頒赦；夏丙子風，旱災；兵荒；秋庚子風，刑濫；兵起；冬壬子風，水災；國憂；四季戊子風，歲收，君吉，頒赦。

甲日大風丙丁必雨不雨海中兵起乙日大風粟  
貴夷狄兵起丙日大風有猝兵來圍急丁日大風  
傷物人畜疾疫爲旱戊巳日大風糴貴土功興或  
遷邑庚辛日大風蟲生人病急備邊陲壬癸日大  
風北虜侵邊

子日大風日光沉沉兵起水中丑日大風掃地揚  
沙粟暴貴寅日大風赤雲四塞火災卯日大風黃  
塵衝天蝗大生辰日大風民入堡居集大將出行  
巳日大風蓬勃大旱午日大風乍疾乍遲人民流

散邊防事急未日大風日無光影土功大興申日  
風聲如磬穀貴盜起酉日大風蕭蕭濡潤大雨水  
災戌日大風塵霧橫天揚埃千里胡兵四起亥日  
大風揚沙折木兵亂相攻凡風三日後有雨卽解  
甲乙日行軍酉風損將東風勝一曰東風西風俱  
不勝北風平和南風從後來大勝丙丁日北風損  
將南風勝一曰東風大勝西風北風賊勝南風平  
和對面風來凶戊巳日南風大勝東風損將一曰  
東風不勝西風北風大勝南風小勝庚辛日南風

損將西風勝。一曰東風西風俱大勝。北風平和。南風從西伐東勝。壬癸日風從北來利。從南來勝。四墓風來必敗。一曰東風北風平和。西風南風大勝。凡風從後來勝。從前逆來凶。又曰甲乙日東風損中軍。南風有病。西風損將。北風險宜伏兵勝。丙丁日東風損將。南風損將軍。伏兵吉。西風平和。北風勝。戊巳日東風前有兵大戰。南風損將。西風伏兵吉。北風損軍。庚辛日東風有伏兵。南風軍疾。西風主憂。北風損軍。壬癸日東風敗。南風損軍。西風伏兵吉。北風大敗。

十二支歲月日時占。太歲在寅。正月寅日寅時。風從寅上來。暴急寒慘者。客勝。餘並同。刑占。丑日戌時。風從未上來。寒慘者。大戰流血。主客俱傷。丑刑戌。戌刑未。未又刑丑。故云。申日寅時。風從巳上來。占同。子日卯時。風從子上來。客大勝。風從卯上來。主人勝。辰午酉亥。自刑之日。風從其上來。客勝。若加時辰午酉亥。風從其上來。主人勝。凡風從刑上來。相衝擊者。前路有賊兵突至。凡風

逆刑我者伏兵卒起軍中凡風從刑上來坐者急起行者急走賊必至戰必敗移營設備誓衆固守慎保無虞若戰將必死凡占月刑不出月日刑不出日風從刑來非惟兵爭凡事皆凶刑上發疾刑下發遲假令子日刑卯風從子來刑卯爲刑下從卯來刑子爲刑上其餘倣此

凡刑金爲兵金日庚申辛酉是也刑木爲喪木日甲寅

戊戌巳丑巳未是也

凡軍行逢歲月日時刑上風來必有將死若得王相客死死囚休廢主人死風從歲刑上來大軍人馬多死不出一歲天下兵起一云不出三日邑中大兵起風從月刑上來郡邑賊起風從日刑上來即日近境兵起主人敗散風從刑衝上來不出三日鄉兵起凡風從刑衝上來不動枝葉者無傷凡有災變必有怒聲寒慘如在軍將軍死兩軍相當暴風忽從三刑五墓上來塵昏蔽天鮮

葉茂條皆落乍起乍止者前後防有伏兵掩我無備若天色清明風不寒慘者不成

兩軍相當風從歲月日時上來勢大而遲緩者准備攻戰大勝若風勢急速乍起乍止者有狂賊至小戰以日納音與風起時方占其勝負

旋風起三刑五墓上來者有伏兵勿戰戰必敗凡軍行有大風從三刑五墓上來不可戰宜避之若從五墓上來避之依五音日最吉

凡年月日時四殺五墓風從其上來白濁昏寒皆為凶兆其日三刑最急坐不及起有賊暴至若即防伏兵平時無兵防人謀害

敵城相近攻擊未克風勢從克上來射我軍經日不絕止而復起數日如此者賊有伏兵欲來襲我或賊救兵至宜整備待之當得賊賊

八風北方廣莫風主冬至後四十五日四時暴風起北方主盜賊起天下兵動坎為水主盜賊東北方條風主立春後四十五日四時暴風起東北方艮為鬼門鬼行人道多旱疫

東方明庶風主春分後四十五日四時暴風起東方人流盜興旱蝗歲饑震爲木木精曰歲星主稼穡

東南方清明風主立夏後四十五日四時暴風起東南方人多病洩痢異爲風風者百病之長

南方景風主夏至後四十五日四時暴風起南方有火災來年旱離爲火也

西南方涼風主立秋後四十五日四時暴風起西南方天下有兵坤爲土爲民爲衆土動衆亂也

西方闔闔風主秋分後四十五日四時暴風起西方主秋旱早霜天下兵動兌爲金金精曰太白太白主兵

西北方不周風主立冬後四十五日四時暴風起西北方有盜賊相攻劫歲饑人流亡乾爲金爲寒金主殺伐寒則傷物

凡八方暴風但風起其方卽依上占京房曰八方風候及八卦風氣春白夏黑秋赤冬黃皆爲下逆上兵革動各隨其部日辰占之凡八風折木發屋

代有占風一



飛沙走石三日不雨則占風爲陽雨爲陰陽得陰則解故怒風得雨而息亢極受制惡以善成春孟條風仲明庶風季清明風和順時寒主水熱傷禾民疫

夏至景風和順時寒兵興水災人疫

秋孟涼風仲閭闔風季不周風涼吉熱未歲災旱疫寒兵起人疾

冬至廣莫風寒歲豐暖水起人災萬物不成

立春日正月戊申二月巳酉三月庚戌有暴風從西方來七日夜不止兵起西方

立夏四月辛亥五月壬子六月癸丑有暴風從北方來七日夜不止兵起北方

立秋七月甲寅八月乙卯九月丙辰有暴風從東方來七日夜不止兵起東方

立冬十月丁巳十一月戊午十二月巳未  
有暴風從南方來七日夜不止兵起南方

凡兩軍相當先分八卦以察主客勝負若風從西北乾上或正北坎上東北艮上皆爲利客宜先舉

若從正東震上東南巽上正南離上皆爲利主宜  
後舉若從西南坤上起主客俱不利若從正西兌  
上來客有伏兵主人宜設備不則敗若從乾上客  
舉兵必獲糧

八風不作陣勢氣味不甚掀大五風間或有八風  
時常有乾風悠悠揚揚不疾不徐巽風平蕩悠長  
順吹不歇兌風細細襲人條理不亂坎風尖削險  
怪撮聚成旋離風明爽和緩若斷若續艮風剛大  
激烈吹物上冲震風冲大渙散頓而復起坤風長  
大包含遍野散漫

乾風來乾巽方國政理離方火焚宮坤方兵衆求  
糧賞

兌風來離方宮中火坎方內侍陰謀坤方外夷重  
譯

離風來乾方胡兵犯闕離方火焚宮震方歲旱火  
災坎方妖邪陰謀

震風來乾震方嗣君登位坤艮離方王道興天下  
平

巽風來兌方蝗生穀傷離方火焚內宮震方蠻夷  
猶夏

坎風來乾方民求賑濟兌方姦宄成風離方民災  
兵起震方謀立王侯巽方歲豐坎方陰謀於上艮  
方兵亂坤方盜賊起亂

艮風來乾方外夷入貢兌方外國求婚離方旱災  
巽方百穀不成坎方水旱相仍坤艮方旱荒米貴  
坤風來離方大旱坎方后宮陰謀艮方內亂凡八  
卦之日風從八卦而來吉遇此日行軍決勝

乾上有風吹倒旗旛此天怒不可攻

艮上有風帶黃黑色作鐘鳴者比夜有賊劫營損  
兵

震上有風清涼無塵吹麾蓋簷捲者城內有賢士  
不可攻

巽上有微風吹林梢自響者名呌噪風城內有靈  
神助不可攻

立春日晴明少雲歲熟陰則旱蟲傷禾豆風從乾  
來暴霜殺物穀碎貴坎來冬大寒胡兵內侵艮來

五穀熟震來氣洩物不成巽來多蟲離來旱傷物  
坤來春寒六月大水人多愁土功兌來旱霜兵起  
春分日東南有青雲歲熟晴明物不成風從乾來  
歲多寒金鐵倍貴坎來豆菽不成民饑疾艮來夏  
不熟米貴一倍震來五穀成亦無盜賊巽來蟲生  
四月多暴寒離來五月先水後旱坤來小水人多  
癘痢兌來春寒八月四有憂有兵

立夏日南方有赤雲歲豐晴明則旱風從乾來其  
年凶饑夏霜麥不刈以來多雨水魚行人道艮來

山崩地動人疫震來雷不時擊物巽來其年大旱  
離來夏旱禾焦坤來萬物天死兌來蝗蟲大作

夏至日南方有赤氣則熟晴明則旱風從乾來寒  
傷萬物坎來寒暑不時夏月多寒艮來山水暴出

震來八月人多病巽來九月大風落草木離來五  
穀熟坤來六月雨水橫流兌來秋多雨霜

立秋日有白雲及小雨則吉晴明物不成風從乾  
來甚多寒雨坎來多瘧多陰雪寒艮來秋氣不和  
震來秋多暴雨人不和草木再榮巽來內兵猝起

離來兵戎不利多旱坤來五穀熟兌來兵起將行  
秋分日西方有白雲則善晴明物不成風從乾來  
人多相掠坎來多寒艮來十二月多陰寒震來人  
疾百花不實巽來十月多風離來兵動國南七百  
里坤來土功興兌來五穀大熟

立冬日晴明小寒人君吉天下喜風從乾來君冷  
行天下安坎來冬雪殺走獸艮來地氣洩人多病  
震來行人不安居多寒巽來冬溫明年大旱人去  
其鄉兌來妖言爲兵在出澤離來明年五月大疫  
坤來水泛溢魚鹽倍多

冬至日有雲寒雪明年大豐晴明物不成風從乾  
來強國有憂夏寒坎來歲美人安艮來正月多陰  
雨震來雷不發大雨併巽來百蟲害物離來冬溫  
水旱不時穀貴人疫坤來多水傷苗民不安兌來  
明年秋多雨兵起

正月朔風南來大旱西南來小旱西方來有兵西  
北來有胡兵北來爲中歲東北來爲上歲東來大  
水東南來人病歲惡八風各與其冲對多勝少疾

武備志卷之三  
勝徐自旦至食時爲麥食時至日昃爲稷日昃至  
晡時爲黍晡時至下晡爲菽下晡至日沒爲麻風  
從北來宜客南來宜主吉西來宜客東來宜主西  
北來宜客東南來宜主西南來有謀不成東北來  
主客俱不利若風熱冷異常或暴急昏濁又當以  
八卦暴風占之從乾來有憂兵坎來有大水艮來  
人疾疫有蝗蟲震來大旱有喪巽來多風傷五穀  
離來歲旱大熱多火災坤來有疾疫道上多死人  
兌來有兵爭

子日風從八方來大吉

丑日風從乾上來不利坎上來說得彼太平艮上  
來宜退巽離上來大勝坤上來自伏兌上來主血  
光不利

寅日風從艮震上來大勝巽上來軍自亂離上來  
次日後軍大亂坤上來不宜戰兌上來次日降賊  
兵乾上來急戰大破賊兵坎上來小戰

卯日風從艮震上來不利離上來戰獲將坤兌乾  
坎上來勝

辰日風從乾坎艮上來必勝兌上來賊降

巳日風從乾上來不宜戰失將坎上來有亂謀艮

上來賊兵千里震上來大戰巽上來半勝離上來

大勝破國坤上來急備賊兵入寨兌上來有戰

午日風從乾上來小勝坎上來收賊兵艮上來大

亂震上來有大將加官巽上來大勝離上來百里

有客兵來降坤上來獲軍糧草兌上來萬里遠征

未日風從震上來不宜戰兌上來主血光

申日風從乾坎上來大勝艮上來主勝一云夜半

有賊兵劫寨震巽上來大亂遇回兵即吉離上來

有伏兵一云小勝坤上來凶兌上來大軍絕糧

酉日風從乾上來絕糧艮上來主勝離上來六十

里有伏兵坤上來百日内有兵圍城兌上來主敗

客勝

戌日風從乾巽上來大勝兌上來急備奸人入寨

亥日風從八方來吉

三辰八角風例申子辰日艮辱震殺巽反離吉坤

抵兌誕乾忿坎爭巳酉丑日巽辱離殺坤反兌吉

乾抵坎誕艮忿震爭寅午戌日坤辱兌殺乾反坎  
吉艮抵震誕巽忿離爭亥卯未日乾辱坎殺艮反  
震吉巽抵離誕坤忿兌爭凡風從辱上來有耻辱  
事從殺上來有篡逆叛殺事行道逢之有相殺人  
來遇致遭傷損從反上來有反逆不平之事從吉  
上來有喜慶事行道逢之有賢人君子相見有宴  
會從抵上來有非禮抵觸事王相貴人相冲休廢  
庶人囚死罪人相連從誕上來有妄誕之人相欺  
詒從忿上來有非理分辯之事從爭上來有奸人  
來爭財物及格鬪等事宮宅之中回風亦占

八逆風立夏巽王風從乾來爲一逆小凶立春艮  
王風從坤來爲二逆兵起人大愁立秋坤王風從  
艮來爲三逆穀不實立冬乾王風從巽來爲四逆  
人逃秋分兌王風從震來爲五逆帶刀入市冬至  
坎王風從離來爲六逆人民潰散夏至離王風從  
坎來爲七逆臣下爲亂春分震王風從兌來爲八  
逆殿上有刺客已上八逆風若帶刑殺昏黑寒慘  
日色白濁者太凶立春艮王震相巽胎離沒坤死



兌囚乾休坎廢春分震王巽相離胎坤沒兌死乾  
囚坎休艮廢八節並依此次第推之

凡占風以方位為主風爲客離方官風防失土地  
震巽方官風必獲土地坤艮方商風防失輜重離  
方商風得敵輜重坎方角風防截糧水乾兌方角  
風可截糧道震巽方微風防火燒營坎方微風可  
焚敵營乾兌方羽風防失賞賜坤方羽風可灌敵  
水此以我生我尅爲占方位爲我

官風來乾兌方可復中土來坎方敵毒其水商風  
來坎方可得兵助來震巽方敵截糧道角風來離  
方防敵火攻來坤艮方可分敵土微風來坤艮方  
防敵火攻來乾兌方敵奪輜重羽風來震巽方防  
敵灌水來離方可灌敵水此以生我尅我爲占  
亥子日時震巽方風我勝得糧離方風防敵灌水  
寅卯日時離方風我宜火戰坤方風防失土地巳  
午日時坤艮方風我勝得地乾兌方風防失輜重  
申酉日時坎方風我勝截水震巽方風防截糧水  
辰戌丑未日時乾兌方風可奪輜重坎方風防敵

毒水此以日時生尅方位爲占

亥子日時角風敵兵得助，徵風可截敵糧，寅卯日時徵風防敵火攻，官風可分敵土，巳午日時官風火攻分土，商風可奪輜重，申酉日時羽風防敵毒，水角風可截敵糧，辰戌丑未日時商風防奪輜重，羽風可截敵水，此以日時生尅風音爲占，乾爲折風，位西北風從折上來，主人將死，客勝，坎爲大罡風，位正北風從大罡上來，利先發，主人不勝，客勝。

艮爲小罡，位東北風從小罡上來，主人不勝，客勝，震爲究風，亦曰嬰兒風，位正東風從嬰兒上來，客軍不勝，主人勝。

巽爲小弱風，位東南風從小弱上來，利後發，客軍不勝，主人勝。

離爲大弱，位正南風從大弱上來，敵方至，利後發，客軍不勝，主人勝。

坤爲諫風，位西南風從諫上來，利後發，客軍不勝，主人勝。

兌爲衝風位正西利先發主人不勝客勝

武備志卷一百六十六

防風茅元儀辨

占度載

占十九

占風二

凡五方之風以納音爲論若風發屋折木揚沙走石至三日以上乃占不然雖凶亦無大害兩軍相遇以其日納音爲客時與來方爲主時方制音利爲主後應納音制時宜爲客先舉若相生爲和睦

支辰五音子爲陽宮土主帝王丑爲陽徵火主旱主火災宮寺口舌寅爲陽徵火主旱主火災烽燧卯爲陽羽水主雨主水主霧辰爲陽商金主大將主吏士巳爲陽角木主疾病憂患午爲陰宮土主后妃未爲陰徵火主旱申爲陰徵火主蝗疫酉爲陰羽水主雪霜冰雹戌爲陰商金主小將主兵刃亥爲陰角木主死喪哭泣自子至巳皆爲陰律所生故爲陽自午至亥皆爲陽律所生故爲陰

納音五音甲子壬申申午庚辰壬寅庚戌爲陽商乙丑癸酉辛亥乙未辛巳癸卯爲陰商丙寅戊子甲辰甲戌丙申戊午爲陽徵丁卯巳丑乙巳乙亥丁酉巳未爲陰徵戊辰庚寅壬午壬子戊戌庚申爲陽角巳巳辛卯癸未癸丑巳亥辛酉爲陰角庚午丙戌戊申戊寅庚子丙辰爲陽宮辛未丁亥巳卯巳酉辛丑丁巳爲陰宮甲申壬辰丙午甲寅丙子壬戌爲陽羽乙酉癸巳丁未丁丑乙卯癸亥爲陰羽凡受宮商角徵羽皆倣此大風噴薄如吹火其聲中官官屬土聲怒土木工

武備志卷之六  
與如吹火主兵火也風聲清切如裂帛其聲中商  
商屬金聲怒征伐兵起聲平歲疫人死大風嗚咽  
高下不齊其聲中角角屬木聲怒兵戈起風急而  
寒大兵風烘烘然如炎火其聲中徵徵屬火聲怒  
兵火災風激揚如湍流其聲中羽羽屬水聲怒奸  
邪暗起有水災

五音風聲宮風大則聲隆隆如洪鐘小則如牛鳴  
苦中作波酸濁徽氣商風大則聲鏘鏘如環珮小  
則如離羣羊作銅辛血腥氣角風大則聲號號如

震落如千人語小則如雞登木作烟焦燒髮氣  
風大則聲烈烈如燎火小則如鷹喚子作硫黃火  
藥氣羽風大則聲澎澎如湧浪小則如蛙鳴渚作  
水腥魚腥氣

風勢殷殷如車如雷如擊鼓聲者爲宮其將寬和  
風聲如金石如襍佩如鸞和者爲商其將威猛而  
好殺風勢舒徐動林木者爲角其將仁恕不可詐  
欺風勢如奔馬如炎火者爲徵其將猛烈難與爭  
鋒風勢如流波相激者爲羽其將貪暴多奸詐

風宮音如牛鳴窖中急惡土功大興其風由官方  
生山摧岍崩角方蝗蟲敗穀商方大水徵方虎狼  
爲害羽方大雨陰寒

商音如離羣羊其風由商方起有鬪兵羽方夷塞  
關梁宮方后憂角方國有兵徵方君令急行兵凶  
角音如千人呼嘯拔木則賊來戰其風起角方急  
兵入郭商方君令急暴兵起官方土功作羽方人  
災其野荒徵方火災

徵音如縛蕪聲嘶發屋有急事 其風自徵方生

火災角方旱災土功興官方火災人哭泣商方  
兵鬪羽方寶物出國

羽音如揚水如擊濕鼓怒則糴貴兵發其風從羽  
方來霜雹大雨商方兵鬪將憂官方暴寒傷物徵  
方臣民有憂角方城圍不解

四季受官之日風從四季上來飛土揚塵發屋折  
木而天色溫和時加子午及子午上止者當有邊  
夷入貢寒尅則不至受商受官之日風從四季上  
來其勢叫怒時當子午兼帶刑殺或申子亥卯上

來其勢急速者當有夷兵犯塞風勢寒尅必成四季受角之日時加子午風勢緊急從四季上來中國將伐四夷風止之處爲所伐之地止辰伐東夷止未伐南夷止戌伐西夷止丑伐北夷若風止有雨景色溫和卽不行受徵之日大風發屋折木從丑寅未申徵方上來乍徐乍疾時加子午雷火災發受羽之日風從卯酉上來天陰雨潤人心悲慘連三日者當有暴雨大水驟至又有風雨蕭蕭濶氣泐泐從卯酉上來必然大雨水溢

宮日風從子午宮來動宮主出行急風急出有惡令慢風慢出有喜令以日子占遠近風從陽宮來山崩君出地動有土功旱災風從陰宮來爲地震裂若后有行又爲旱風從子午宮來時加子午爲重宮君欲行大臣走風雨不調風從丑未寅申徵來爲宮動徵有火災有土功寶物出有兵時加徵爲重徵有義兵行有詔令謂之義風風從卯酉羽來爲宮動羽且有大雨不則大臣出走若復爲旱宮君羽臣怒故臣走宮土羽水土盛水衰則火起

故復為旱，風從辰戌商來，為宮動商，有兵行，且有客兵來時，加辰戌為重商，有兵殃，風從巳亥角來，為宮動角，有兵戰，主人憂，客兵傷，從陽角來，邊兵戰，大風從乾上來，有暴雨湧水，若風不揚塵，氣色和暢，日光明盛，不寒慄者，國有喜，艮來為凶喪，艮為鬼門，死亡之兆，與來蝗蟲生，害五穀，以風止之，方決其所在，角雜羽為水死，雜徵為燒死，雜商為兵死，雜宮囚死，純角病死，大風止日時，方位徵多為火，羽多為水，商多為兵，為粟貴，角多為疾疫，官

多為吉，風從徵羽來，民不安，雨徵來，火起，角來為疫，宮羽商來，糴貴，羽來，水滂，又曰：諸宮日風頻起，白日沉冥，霧氣四塞，或熱或寒，邊境不寧，大臣逆命。

商日風從陽宮來，戒太子忌怨大臣，有急兵，風從北方來，庶子有憂，有急變起，北方風從徵來，國邑受命，兵行將在外，兵還不戰，臣受命令而行，徵為號令，商為兵，商受徵尅，故兵退，從羽上來，大雨水，歲大旱，荒國憂亂，有兵起，東方羽水從金生，故有



大兵大水之事風從陽商來有白衣聚眾自立且有  
有大水關梁不通大將出忌外兵邑有小寇人君  
憂國門四閉兵在四方風從陰商來國有大殃粟  
貴邑有兵風怒期七日若七十日有急令兵大起  
商爲金二金並行故爲有大兵風從陽角上來有  
猝兵有急令風從角上來時加商角米貴人疫風  
從徵商角來粟貴人疫

角日風從徵上來粟貴吏檢人財有兵倉粟寶物  
出從羽上來有邊兵夷人相奪風從商來有急兵

風從陽角來邊兵起人主憂有賊至戰不勝多

亡從陰角來有兵大喪風從角徵上來火災粟貴  
時加角有喪有兵戰盜賊起粟貴民饑野多死人  
時加角徵或從他處起止於角徵皆爲火災又曰  
角日風疾天子昏大兵起

徵日風從丑寅來有火災君有恐風從陽商來有  
急兵人主出以兵自守期七日若七十日從陰商  
來邊有急兵戰風從羽來四隣有事實貨出又曰  
四夷有兵風從陽角來有邊兵從陰角來邊有驚

火時加徵怒風蓬勃從商上來天色黃黑疾作火燒倉庫止於商徵者事疾時加羽風蓬勃從徵商角上來天色昏冥爲火燒市肆

羽日風從陽宮來君有更令邊兵起將受命有聚會寒雪雹從陰宮來暴寒傷物有水土兵集風從陽徵來國有兵有急令臣有憂關梁塞道路不通風從陰徵來邊兵疫風從羽來有白衣聚有大喪大寒雹期五日若五日且有大雨雨從南方來國有憂人多病雨從北方來賊聚水中且有雷

電陽羽日應陰羽夜應風從商來有兵圍城不戰邊有急關梁不通大雨客軍不利風從角來邊有兵圍城城破一曰兵不解時加巳亥爲重角有圍城有大喪時加宮風起羽有疾疫以風止處爲災發之期寅則正月是也風從商角上來時加徵者月內米貴人不安又曰羽日風疾天子昏大人疾疫多盜賊

宮風發屋折木有土功宮土人君內煩不出十日遠百日貴臣相捕斬天下兵起盜賊滿市人饑不

武備志卷之六  
救車馳馬奔流亡不止，微風發屋折木，有火災不出三日。若三十日，四方告急，百姓恐驚，自亂羽風發屋折木，不出五日。若五十日，糴大貴，人以水爲憂，有大喪珍寶出，商風發屋折木，不出七日。若七十日，有急令，兵大起，糴大貴，國四門閉關，梁塞一日，兵從中起，角風發屋折木，不出九日。若九十日，有急賊鬪戰，糴大貴，民饑相食，有大喪疫癘，斯皆係風聲占與日辰五音不同，然亦以日辰來方相參課之。

若鳴條以上，怒風起止，皆以五音五行相尅言吉凶。其下主客之法，卽日辰所得納音五行是客時，下十二辰與風所來方爲主，則可見勝負矣。假令甲子納音屬金，是商，又加巳亥上角木方風來，是金尅木，乃客凌主，主必敗。若得丑未寅申風，主勝客敗。

凡初出軍日，風從亥上來，衝霧捲雲，人強馬壯，鼓角聲清，音震，必獲全功。若從傍而來，前軍必得天助，獲敵糧，有降我者。

若軍行風從五音相生上來風氣調暢勝捷成功  
假令巳亥角風從卯酉羽上來此是母來翊子或  
從丑未寅申上來此是子來投母出軍多勝  
凡中國欲伐夷狄當視四季受角之日日中夜半  
風勢緊急從四季上來當於風所指處伐之戊辰  
戊戌癸丑癸未受角日也辰戌丑未爲四夷角木  
尅制四季土故爾

若四季受宮之日風從卯酉羽上來皆戰賊兵解  
敵丙辰丙戌辛丑辛未受宮日也尅所不勝故戰  
而散

凡五音之日風來色黑不覩人面先紫後慢經刻  
止者主疾病惟宮日直占在君其下四日以日占  
其地大臣死民流亡期以支干合數假令甲子日  
二九之數近十八日遠八十日更遠則九年  
東方寅卯之角國有大寇人多疾病庚寅辛卯是  
也寅卯之徵有妖言惑衆鬼神作祟又爲火災丙  
寅丁卯是也寅卯之商大兵攻伐出燕趙壬寅癸  
卯是也寅卯之羽有霜雹水災蝗蟲起甲寅乙卯

是也寅卯之宮帝不安其都有遊幸出喜令以財物賜庶人戊寅巳卯是也

南方巳午之徵夷狄侵害遠人邪謀乙巳戊午是也巳午之羽有江海賊或水中船害人癸巳丙午是也巳午之商大臣用事人民作亂辛巳甲午是也巳午之角牛羊疫魚死水中民少移動巳巳壬午是也巳午之宮天子欲警暴亂賞有功逐佞人封有德丁巳庚午是也

西方申酉之商軍民內移舟行沒溺壬申癸酉是也申酉之角人民災奸兵起庚申辛酉是也申酉之宮臣爭財賂不恤國事戊申巳酉是也申酉之徵內臣謀逆丙申丁酉是也申酉之羽霜電非時秋水災兵動水賊起民疾病五穀不熟甲申乙酉是也

北方亥子之羽蝗蟲卒起霧傷萬物癸亥丙子是也亥子之商外兵為惡水中賊起辛亥甲子是也亥子之角公卿憂喪巳亥壬子是也亥子之宮土功興兵起丁亥庚子是也亥子之徵皇后憂太子

薨乙亥戊子是也。

四季辰戌丑未之宮、有土功、人流移、牛羊疫、丙辰丙戌辛未辛丑是也、辰戌丑未之商、五穀不熟、民多災死、庚辰庚戌乙丑乙未是也、辰戌丑未之角、夷兵起、人作難、寶物出、戊辰戌戌癸丑癸未是也、辰戌丑未之徵、山賊流言、民人驚怖逃亡、甲辰甲戌巳丑巳未是也、辰戌丑未之羽、妖言流播、衆庶移徙、壬辰壬戌丁丑丁未是也。

六情干屬、一曰本情、甲乙主之、二曰合情、丙丁主之、三曰刑情、戊己主之、四曰衝情、庚辛主之、五曰鈎情、壬癸主之、本情用本日支辰、合情用本日支辰、所合刑情用本日支辰、所刑衝情用本日支辰、所衝鈎情陽日用本日支、陰日用本日支、支前第三辰。

本情、甲子陽商貪狼、乙丑陰商公正、甲申陽羽貪狼、乙酉陰羽寬大、甲辰陽徵奸邪、乙巳陰徵寬大、甲戌陽徵公正、乙亥陰徵陰賊、甲午陽商廉貞、乙未陰商奸邪、甲寅陽羽廉貞、乙卯陰羽陰賊。

合情丙寅陽徵陰賊丁卯陰徵公正丙子陽羽公  
正丁丑陰羽貪狼丙戌陽宮陰賊丁亥陰宮廉貞  
丙申陽徵寬大丁酉陰徵奸邪丙午陽羽奸邪丁  
未陰羽廉貞丙辰陽宮寬大丁巳陰宮貪狼  
刑情戊辰陽角奸邪巳巳陰角貪狼戊寅陽宮寬  
大巳卯陰宮貪狼戊子陽徵陰賊巳丑陽徵公正  
戊戌陽角奸邪巳亥陰角陰賊戊申陽宮廉貞巳  
酉陰宮寬大戊午陽徵廉貞巳未陰徵公正  
衝情庚午陽宮貪狼辛未陰宮公正庚辰陽商公

正辛巳陰商陰賊庚寅陽角貪狼辛卯陰角寬大  
庚子陽宮廉貞辛丑陰宮奸邪庚戌陽商奸邪辛  
亥陰商寬大庚申陽角廉貞辛酉陰角陰賊  
鈎情壬申陽商寬大癸酉陰商貪狼壬午陽角陰  
賊癸未陰角公正壬辰陽羽公正癸巳陰羽貪狼  
壬寅陽商陰賊癸卯陰商廉貞壬子陽角寬大癸  
丑陰角奸邪壬戌陽羽奸邪癸亥陰羽廉貞凡言  
六情日依此時此方止用支辰以本情占之  
六情支屬一曰貪狼申子主之二曰廉貞寅午主

之三曰陰賊亥卯主之、四曰奸邪辰未主之、五曰寬大巳酉主之、六曰公正丑戌主之、

六情風鳥所起加時占申子貪狼之日時加申子、鳥鳴其上王相當言羣賊攻劫休廢囚死有竊盜事時加寅午有善人說攻劫事時加巳酉有酒食言攻劫事時加丑戌有盜賊詞訟或文書追盜賊事時加亥卯王相則有羣賊攻劫休死小盜時加辰未、有婦人說盜賊事、

寅午廉貞之口時加寅午鳥鳴其上王相當言長

申子廢囚死為僕役有諫諍事時加巳酉有遠

至時加申子有酒食爭財物事時加辰未有陰私

口舌時加丑戌有酒食時加亥卯有酒食起爭

亥卯陰賊之日時加亥卯鳥鳴其上王相羣賊犬

戰囚死有爭鬪殺傷時加丑戌有吏逐賊相害時

加寅午有婦女鬪傷事時加辰未、有奸事鬪傷時

加申子、有兩賊自相攻劫、

辰未奸邪之日時加辰未鳥鳴其上王相有長吏

來言捕獲事囚死、有口舌事時加寅午有恭謙人

武備志卷一百一 占度賊 占 占風二



言奸淫事時加申子有陰謀爭鬪劫盜事時加亥卯有賊兵相害

巳酉寬大之 鳴其上王相當言長

吏休廢囚死當日酒食時加寅午有酒食辭讓事

時加丑戌有酒食口舌訟事時加申子有酒食

財事

丑戌公正之日時加丑戌鳥鳴其上王相有長吏

政理之事休囚有吏來慰問時加巳酉有宴饗賜

與時加寅午有辭讓慶賀時加辰未吏來說陰

私盜賊事時加申子有吏來說財賦欺詐事時加

亥卯有吏來說盜賊相殺傷事凡六情之日鳥鳴

及風起於本情方上則謀其時依上占之

凡陰賊之日有飄風從四季辰戌丑未上來時加

四季或羣鳥飛從四季上來時加四季皆為有閉

門搜索之事若值休囚廢死即在近道假令風起

其方若羣鳥疾飛從其方來即時搜索欲知所捕

何事時加丑戌則是讐怨辰未則是盜賊或殺人

賊亥卯王相是大賊凡寅午廉貞巳酉寬大丑戌

公正若風和暖日清明皆吉主恩命慶賀申子貪  
 狼亥卯陰賊辰未奸邪日風寒慘日昏濁皆凶主  
 陰謀賊害看王相休囚準備無失凡奸邪受官之  
 日怒風從官上來止於四季風氣寒慘城中兵亂  
 起夜殺長吏四出不禁期七十日遠九十日奸邪  
 受官丙辰辛未日也辰未奸邪納音官土子午宮  
 方風來止於辰戌丑未上為四季也凡受商受角  
 受徵受羽皆為納音竝做此

凡日中夜半風從申子亥卯上來夜發晝止日中  
 大寒不解敵必夜來攻城劫寨不避風雨主將兵  
 之期五日若十日蓋申子貪狼亥卯陰賊子午宮  
 土城寨之象夜半有怒風乍起從四季上來而止  
 於四季者中國欲伐夷狄所以然者中國中土夷  
 狄邊土夜半夜之中也子為宮土中國主之四季  
 土居四隅夷狄主之  
 凡旋風卒起宮宅內或從外入飄揚衣服發屋墮  
 瓦必有暴卒橫事若從歲月日時德上來或止於  
 德方德合之方值德合及寬大之日其辰王相則

武備志卷一百一  
有吉事乍至若從歲月日時刑衝墓殺上來或止  
刑衝墓殺方或日辰囚死皆爲凶事貪狼陰賊奸  
邪日辰大凶軍必移營戰必退守行者急走坐者  
急起避之旋風起席間平時失官有軍戰敗行軍  
忽旋風從前來逆衝防有伏兵潛謀等事旋風忽  
從後來逐人清明吉寒濁凶旋風忽從傍起或橫  
衝當面截過皆凶並用日辰支干納音加時刑德  
六情五音占之行道有旋風四面圍迫宜迴避設  
備宮防夜來劫營商防賊兵掩至角防林麓埋伏  
徵防火災羽防雨水暴溢

角日旋風突起從角來其地有死喪事

羽日旋風突起戒行舟防沒溺

凡在宮宅營帳中有旋風徐徐繚繞清明和暢漸  
向前來有賢人君子至或爲使命喜慶之事

北行道暴起旋風突從廉貞寬大公正上來與本  
命行年相生則爲喜事相迎從奸邪陰賊上來與  
本命行年相尅防賊兵衝殺陰謀傷害若蓬勃寒  
慘又加刑殺大禍卽至本命卽所生太歲支辰是

也，行年卽男從一歲起丙寅，輪推之，如十一歲數，至戊寅二十一歲數，至庚寅一歲移一辰，揆去是也。

觀風占賊數，視所從來之方，爲月期，所發時辰爲道里人數，乘王氣十倍，五倍，休廢如數，囚死刑，衝減半，假令風從坎上來，起夜半止，日中，坎居子位，期十一月夜半子時，一數九，在九里，或九十里，或九人或九十人，九百人大數，如月日時方干支並王，當爲千萬人數，甲巳子午九，乙庚丑未八，丙辛

寅申七，丁壬卯酉六，戊癸辰戌五，巳亥四。

凡壬辰主東夷，其日風從辰上起七日，東方海賊動，期四十日。

癸未主南夷，其日風從未上起七日，南夷內侵，期七十日。

壬戌主西夷，其日風從戌上起七日以上，西羌反，期五十日。

癸丑主北夷，其日風從丑上起，若七日九日，匈奴大舉入寇，八日以上，風叫怒者凶。

代前志卷之六 占度載 占 占風二

凡壬辰壬戌壬子壬申日有風從子上來三日以上昏慘暴急此水內大賊欲攻王國凡風大寒冽透骨不解皆為賊發一日大風寒則夜至近期七日遠不出三十日從王相來賊發疾囚死來賊發遲

壬戌癸亥乙卯壬辰甲申丁未六日有風從申子亥卯上來水中兵起相殺近期五日遠五十日以上六日皆受羽申子貪狼亥卯陰賊故也

諸羽日大風昏霧夜從申子上來陰寒迅急當雨不雨水賊攻絕津梁道路不通近期五日遠五十日

丙辰辛未丙戌辛丑四季受官日風從四季上來折木揚沙五日以上至九日止子午上此為夷狄君長來朝或遠夷入貢近期五十日中百日遠百五十日天色溫和清明至寒慘不至

壬辰癸未壬戌癸丑四季之日有風從申子亥卯上來迅急寒慘連三日至七日比邊界長吏聚眾結連夷狄內侵郡國晝伏夜來猝起作逆期七日

或七十日，凡風從貪狼陰賊奸邪上來，蓬勃陰慘，夷狄反叛。

庚辰乙未庚戌乙丑，四季受商之日，時又加商風，從亥卯辰未上來，止於子午，五日至九日，勃怒不解，夷狄起兵，若風生中止，或更轉巳酉寬大上來，賊必自退，近期七日，遠七十日，或百日，若風雖急，暴不昏慘蔽日，止於子午，或從子午上來，或時加子午散氣，霑濡若雨濕然，皆賊兵中道解散之兆，四季受商日，怒風從四季上來，外夷欲屯聚寇掠，不出七十日，若從四季上來，初不蔽日，復從四仲子午卯酉上來，時加陰賊，或又從陰賊方來，寒慘迅急，日無光者，夷狄兵起，中道自相殘殺，不至近九日十日，遠二十日。

奸邪公正受商之日，大風暴怒，從奸邪公正上來，爲夷兵犯塞，十日不止，千里來，二十日不止，二千里來，期七十日，辰未奸邪丑戌公正四季日也，故云。

諸四季日暴風卒起，及遊風半日須臾止者，爲千

里外兵來不則近界羌戎爲變風小事小風大事  
大

凡大風從四季上來止於子午氣象清明天色和  
暖爲四方邊界欲來歸順隨日切占之

凡四季主關津道路主管籥主遠方賓客占外國  
外夷州界

凡受羽日風從卯酉上來陰濁寒慘連三日者必  
有暴風雨大水驟至若風來帶刑殺及起於貪狼  
奸邪陰賊日時則有水中賊起

諸亥卯受角之日怒風從丑未上來時加申子賊  
用火攻若時加廉貞公正此仇怨相殺不出三日  
六日以日占其地蓋亥卯木所生王者也角屬木  
丑未徵火水因火發也申子貪狼禍心生也廉貞  
公正本於陰賊怨所起也

諸徵日時加徵暴風卒起天色清明有檄書至爲  
火災事近期三日遠三十日以日占其國  
凡占火得巳酉時誤相殺也得丑戌時仇怨相殺  
也若徵風三日以上天色赤黃至七日不解天災

火起千里相望有大雨即解

歲月日時方德刑墓殺例于德甲丙戊庚壬為陽陽德自處甲德在甲丙德在丙戊德在戊庚德在庚壬德在壬乙丁巳辛癸為陰陰德在陽乙德在庚丁德在壬巳德在甲辛德在丙癸德在戊戌分寄於奎壁巳分寄於角軫天門地戶之位也

支德歲月日時子德在巳丑德在午寅德在未卯德在申辰德在酉巳德在戌午德在亥未德在子申德在丑酉德在寅戌德在卯亥德在辰以次順

後五辰是也

月干德寅午戌月德在丙亥卯未月德在甲申子辰月德在壬巳酉丑月德在庚

三合申子辰合亥卯未合寅午戌合巳酉丑合

干德合甲與巳合乙與庚合丙與辛合丁與壬合戊與癸合

四殺者劫殺災殺歲殺戊巳殺是也假令申子辰年月日時劫殺在巳災殺在午歲殺在未巳酉丑年月日時劫殺在寅災殺在卯歲殺在辰寅丁戊



年月日時劫殺在亥災殺在子歲殺在丑亥卯未  
年月日時劫殺在申災殺在酉歲殺在戌戊巳殺  
者流戌就巳坎離成象變動不居所謂都天殺者  
是也假如甲巳之年殺在辰巳乙庚之年殺在寅  
卯丙辛之年殺在戌亥丁壬之年殺在申酉戊癸  
之年殺在午未其法每年但尋月建天干值戊巳  
者是也

五墓者歲月日時干支木火土金水所墓之方也  
武備志卷一百六

武備志卷一百六十七

防風茅元儀輯

占度載

占十九

占蒙霧

茅子曰吾聞之陰陽氣亂而為霧霧者百邪之氣  
本於地而應於天是謂陰來冒陽其占為臣蔽主  
明小人擅權不利於上蒙者濛濛日不明也又曰  
在天為蒙在地為霧日月不見為蒙前後人不見

爲霧陰陽交錯邪正相干人君不悟必有亡國故  
總次之

凡連陰十日晝不見日夜不見月亂風四起欲雨  
而無雨名曰蒙臣謀君故曰久陰不雨臣謀主一  
曰謀之乃敗

霧氣若晝若夜其色青黃更相掩冒乍合乍散臣  
謀逆者喪

凡霧氣不順四時逆相交錯微風小雨爲陰陽氣  
亂從寅至辰巳止周而復始爲逆者不成積日不

解晝夜昏暗天下欲分離

霧起帶塵如土者主兵起

凡天地四方昏蒙若下塵十日五日以上或一日  
或一時雨不沾衣而有土名曰霾語曰天地霾  
臣乖不大旱外人來

凡陰晦不見日星昏蒙氣襲人慘慘傷傷者兵亂  
之氣

凡霧連五日不風不雨其地亂兵起

日出而霧連五六日巳上期六十日兵起

日中霧起至昏不止其地易主

凡兩軍相當霧散不見日光舉兵後取勝

四時日出即有霧其地大擾

凡霧氣四合百步不見人名曰晝昏不有破國必

有滅門

霧乍合乍散臣有謀逆不成自亡

霧從四方來合於中即為兵起

霧起四方中心赤色者主大凶

霧終日終時君有憂色黃小雨白為兵喪青為疾

黑有暴水亦有兵喪又黃言土功或有大風

霧下色如黃土名曰黃霧百姓奔亡又曰黃霧四

塞國亂兵起

霧四面圍城必有兵不出其日至城下無兵不出

百日兵起

攻寨之際霧遶寨壘忽然一面無者隨無處攻之

必尅

白霧四面圍城霧不入城城不可攻霧入城其城

必亡

霧起一面、三面无者、隨其有處、攻之必破、

霧遶城中無者、主將不吉、兵離、

霧從城中出外吉、士卒潰散、

對敵時有霧來似雨紛紛入眼、彼軍馬步一時來也、宜防備吉、

兵發之日、霧從敵邊來者、此為天泣血、當駐泊、犒軍則吉、

久陰霧色帶紅、更被黑風吹者、上吉、一日久陰有霧鮮紅者、主大兵起、

城營上有霧似懸屍、急移營吉、

軍營內久霧連朝晝夜不開、出軍必敗、

城營內大霧起、城頭白色沙烟、兵戰有喜、

大霧城上、日色如烟者、主兵大起、

青黃霧騰罩山川、乍開乍合者、防詐偽、

凡攻城有霧西北來、帶青色、漸漸向軍來、名曰天赦、主上成功可賀、

兩軍相當有霧、即日有微雨者、客勝、霧而不雨、主人勝、

霧已除而氣彌天者賊多晴明者賊少

凡大蒙連三日狡猾起

大霧連綿帝室將衰臣下權威兵及土地

凡霧不霧主軍尋路不出三日披甲而趨

上不明國大淫則霧若脂夜汚人衣或黑霧成陣

往來並主大兵為咎又主胡賊為咎

赤霧如塵沾衣寇亂兵起

凡霧不濕衣如此三日主兵大敗也

軍中氣非雲非煙非蒙非霧形如禽獸主人忌之

凡霧氣四合有虹各見其方隨四時色吉非時

凶

白虹出霧中奸臣謀君擅權立威又曰虹出霧中

其年兵起

晝霧白虹君有憂夜霧白虹臣有憂虹頭尾至地

流血之象

天久不霧者主士卒欲謀叛宜先賞賚以安之

四孟月有霧主年豐四仲月有霧主好田禾不能

結四季月有霧主來春大旱

凡霧春以甲乙寅卯日氣色青出東方向西行者  
客勝

夏以丙丁巳午日氣色赤向西行客利主人凶  
四季以戊己辰戌丑未日氣色黃向北行客利主  
人內亂

秋以庚辛申酉日氣色白向東行客利先舉兵勝  
後舉兵敗

冬以壬癸亥子日氣色黑向南行客勝

春三月清旦霧起再沉過三見命曰三帝謀兵不  
出六十日兵起

夏三月卯時霧起再沉至三不出二百日兵起

秋三月暴風甚雨霧朝夕見至三不出一年兵起

冬三月疾風暴雨狀如大雪至三見不出百日兵  
起

春乙卯日霧兵起東方一日甲乙日有大霧主二  
百日內起

夏丁卯日霧兵起南方一日主九十日內見  
秋辛卯日霧兵起西方一日主三十日內見

冬癸卯日霧兵起北方一日主一月內見

凡甲乙日霧人疾病丙丁日霧旱戊巳日霧土功

興軍在外有拔城庚辛日霧有兵壬癸日霧有水

凡子日有霧馬馳人走四時同然

亥日有大霧從子卯上來賊至邊城急防之

戌午日霧起累日不解兵起若兵在外有攻戰

十月壬癸日霧赤色其地有兵

冬三月庚子日霧兵革滿野

四時受商之日夜半大霧至日中者兵大起

日或七日內有雨即解

八魁日陰霧兵大起春見秋發夏見冬發秋見春

發冬見夏發霧在其軍中則其邦君死將軍罷春

巳巳丁丑夏壬戌秋巳丑丁未冬壬寅是也

占虹蜺

茅子曰吾聞之陰陽之氣和則為雨露怒則為風

雷散則為虹蜺虹者攻也陰氣攻陽氣也蜺者嚙

也災氣傷害於物如有所嚙也序其占于左

雄為虹雌為蜺色鮮明者為虹暗者為蜺又曰見

於衝曲而青者曰虹，見於日旁白而直者曰蜺，虹  
蜺主內淫，主惑心。一曰樞星之氣散爲虹蜺，斗之  
亂精也。斗失度則爲之。又曰填星散爲虹蜺。又曰  
清明後十日虹始見，小雪之後虹藏不見。一曰陰  
陽不和，虹出五墓之上，防前後有伏兵。

虹凡相有五，蒼無胡者虹也，赤無胡者蜺，尤旗也。  
一曰白虹，赤虹如氣者，名曰蚩尤之旗，主大兵起  
於所起之方。白無胡者蜺也，衝不屈者天杵也，直  
上下不屈者天梧也。此五虹以甲乙日出東方，人

饑丙丁日出南方，大旱，庚辛日出西方，其邑多空  
戶，五步六死人，壬癸日出北方，人相食，戊巳日出  
中央，若西南方，人君凶。

立春四十六日內，虹出正東貫震中，春多雨，夏多  
火災，秋多水，民流亡，冬多海賊。

春分四十六日內，虹出東南貫巽中，春大旱，災起，  
立夏四十六日內，虹出東南貫離中，大旱，災。

夏至四十六日內，虹出西南貫坤中，有水，蝗蟲爲  
害。



立秋四十六日內虹出正西貫兌中秋有水有旱  
一曰立秋後虹出西方萬物皆貴

秋分四十六日內虹出西北貫乾中秋多水賊起  
立冬四十六日內虹出正北貫坎中冬少雨春多  
水災

冬至四十六日內虹出東北貫艮中春多旱夏火  
災粟貴

春三月虹出西方有青雲覆之其夏多寒人病瘧  
如疫赤雲覆之夏旱黃雲覆之夏小旱五穀半收

白雲覆之夏多大風人疫黑雲覆之夏多大水  
夏三月虹出西方有青雲覆之秋多寒民病瘧赤  
雲覆之秋旱黃雲覆之禾大收白雲覆之秋多大  
風黑雲覆之秋多雨

秋三月虹出西方有青雲覆之冬多寒人病瘧如疫  
赤雲覆之冬大旱黃雲覆之冬米大賤白雲覆之  
冬多風黑雲覆之冬多雨

冬三月虹出西方有青雲覆之來年春多寒人病瘧  
如疫赤雲覆之春旱黃雲覆之春雨調和白雲覆

之春多狂風黑雲覆之春多雨水

虹出南方無春夏秋冬所見之處風雨不時不出

三年大饑百姓流亡不歸

虹出北方無春夏秋冬所見之處陰陽不和風雨

不時冬溫夏寒小民怨恣五穀不成其地大饑太

旱三年哭泣相隨一曰大旱二百八十日民大疫

疫

虹以四五月出西方麥貴七八月出西方粟貴

九月出西方大小豆貴十月出西方稻貴一曲一

倍再出再倍五出五倍民流千里又曰虹以十月

出東北方若東方其邑亡

虹蜺亘天下有大戰一曰后妃陰脅天子

二虹並見兵起期二年

九虹俱出五色縱橫妃后相爭女謁盛行天下交

兵

二虹屈出其下大戰亡城

五虹並見天下大亂兵起天子黜期三年

方虹見有暴兵起

屈虹東出下有破軍殺將

日旁有屈虹下有大戰流血

虹出日暈中有拔城

虹出橫至上反入直而不曲不出九十日城中多

病死大旱民流亡

虹直上行所出之方大旱民多妖言病死

虹三日不散不出一年大兵起

青虹東西極天兵起

赤虹宜賞士卒

赤虹從天直下國亂無主

赤虹如杵將死君亡流血成川

赤虹冬出其野有戰糴大貴

赤虹與日俱出其野有急兵所臨之國有憂不可

舉事用兵

白虹見諸侯兵起百殃之本衆亂所基

白虹出其年有兵又曰其下流血當其城城必空

白虹如杵萬人死其下

白虹首尾至地有流血

白虹暮出、國易政、

白虹夜出、其年大兵起、

白虹從地中出、其地大饑、有大兵流血、

白虹分裂為四五段、大戰流血、

白虹長十餘丈、大如杵、上下銳、或直或曲、皆為大

戰流血、從所指擊之勝、

白虹屈曲見城、上有大戰、

白虹繞城不匝、謹守其闕、

白虹出軍上、軍中有亂、

秋三月有白虹出西方、兩軍相當、急陳兵以待、

若赤氣衝之、必有獲城、

紅虹大凶、

虹蜺狀如日月暈、必有破軍、先起者勝、

虹蜺五色重疊、光照地所出之處、兵起、

蜺見九重圍日、大將死、一曰天下將大亂、

兵行之次、虹貫路邊、前有伏兵、

虹見城寨、可攻之、

虹直入來、為疾疫、青虹、主軍瘴、急移營避之、

行軍有虹橋攔路、兵當不久却回、

虹入軍井、或似鼠形見營上、交戰大敗、

虹如象鼻、主兵起流血、

虹如暈、或如弓形、若白虹形續斷、又兼五六見於

城營者、有血光、

攻城有虹從外入飲城中者、從虹攻之勝、

曲虹入城、城可屠、

軍行之次有虹橫於前、當即駐兵、鳴金吹角以讓

之待、虹滅進發、

軍行見長虹在軍前飲水、兵馬若從所飲水處渡

河大凶、即宜却退五七里住營、虹滅進發、望別路、

避虹先飲水、處濟軍吉、

虹從營中飲水、流血荒墟、將軍病死、移之吉、

虹自井中出、或自外入井中、其邑有兵、不則有盜

賊相殺之事、大災、

夜間虹犯北斗口、若拖錦之狀、三日內必有敵人

素裝、假作使命來入營、作內應、宜令精兵伏於帳

內待之、必擒其將、

占霞

茅子曰、吾聞之、霞者、天之客氣所結、暫爾而生、暫爾而滅、長尺餘、丈餘、十丈餘、勁而有力、若杓槍遠擲之狀是也、與雲氣不同、故占雲者歸于氣、而霞則別次之、  
霞貫日月、貫三垣、北斗二十八舍、列星、以其日月星辰所臨分野所生休咎、若凌犯白黑青紅、並主風雨、應於三日之內、  
赤霞白霞貫日、下欲害上、下必有憂、王者惡之、

黑霞貫日、君有憂、大雨解之於三日之內、日之下左右見者、主大風、作色慘者、亦雨之象、  
黃霞紫霞貫日者、喜變成災、咎為兵、為變亂、  
白霞變亂、勁銳若疋帛、主起之方有兵、大風雨於三日者解矣、

赤霞白霞貫月、大臣災、后妃災、將軍災、有戮者、  
黑霞貫月、大雨以民災、久陰雨則解、

占雨雹

茅子曰、吾聞之、山體陽通於天氣、出雲靄以成雨、

雨凝曰雹、雹、雨水也、陽氣盛、陰氣脅之、不相入、則搏而為雹、陰氣盛、陽氣薄之、不相入、則散而為霰、故雹者、陰脅陽也、霰者、陽薄陰也、吾總而次之、為雨、雹。

凡雨作於四時、王相之日、草木榮茂、死囚休廢之日、雖雨不生物。

凡四時卯日雨、穀貴。

戊午日雨、霖三日止、其下大戰。

乙卯日雨、旱、兵起東方、丁卯日雨、旱、兵起南方、巳

卯日雨、旱、兵起中央、辛卯日雨、旱、兵起西方、癸卯

日雨、旱、兵起北方。

雨三日以上、時刻不已、有陰謀。

正月一日雨、從西方來、兵起。

二月九日至十五日、當雨不雨、兵起。

三月九日至十五日、當雨不雨、兵在外者罷。

四月二十一日、當雨不雨、兵起東北千里。

五月十一日至十七日、當雨不雨、西方千里外有

兵喪。

六月二十七日、當雨不雨、人饑、

七月二十五日、當雨不雨、兵起外國、

八月晦日、雞鳴雨、兵起、一日夜半雨、所在寇盜、

九月十二日、當雨不雨、民多死、

十月三日、當雨不雨、兵起西北方、

十一月四日、當雨不雨、魚行人道、

十二月四日至六日、當雨不雨、大旱、

正五九月、殺在丑、二六十月、殺在庚、三七十一月、

殺在未、四八十二月、殺在辰、以此日雨、所建賊犯、

期六十日、

恒雨、君貌不恭、陰謀于上、

天久不雨、兵役相仍、百姓勞怨、天久陰不雨、主士

卒謀將軍、

連陰數日不雨、主下謀上、

攻寨連日不雨者、宜退兵、

雨終日不停、縱主災、

細雨沾衣者、名曰沐浴、兵大吉、

雨不沾衣、名曰浴衣、大凶、



凡軍行雨從後來沾衣者得天助必勝  
雨忽晴主兵強心堅能殺賊

無雲而雨君敬不肅國有兵災一曰軍出逢之其  
軍必不還一曰無雲而雨是謂血雨將軍當揚兵  
講武以應之雨大軍中尤甚者將死軍敗一曰雨  
從雲降猶子生於母臣命於君也無雲而雨則母  
道絕君德失世多災

雨驟水溢百姓怨恨兵起作亂

秋陰常雨君比淫朋刑濫兵起

雲四合雨不勝於日色不雨雨亦無多

兵始發遇雨驟急立地成泥曰淋屍宜駐師勿進  
兵行日微雨即止名潤軍所向大利若半晴半雨  
霧氣迷者須詳慎勿輕進

連日半雨半陰晴營內有奸人謀叛

子日東風卯日雨丑日東風辰日雨寅日東風巳  
日雨卯日東風午日雨辰日東風未日雨巳日東  
風申日雨午日東風即日雨未日東風申日雨申  
日東風子日雨酉日東風丑日雨戌日東風寅日

雨亥日東風辰日雨  
 甲子日雨丙寅日止乙丑日雨丁卯日止丙寅日  
 雨夕止丁卯日雨夕止戊辰日雨夜半止巳巳日  
 雨立止庚午日雨辛未日止辛未日雨戊寅日止  
 壬申日雨即日止癸酉日雨甲戌日止甲戌日雨  
 即時止乙亥日雨即日止丙子日雨辛未日止丁  
 丑日雨夕止戊寅日雨即時止乙卯日雨立止庚  
 辰日雨即日止辛巳日雨癸未日止癸未日雨甲申  
 日止甲申日雨即日止乙酉日雨丙戌日止丙戌日  
 雨夕止丁亥日雨即日止戊午日雨庚寅日止巳丑  
 日雨壬辰日止庚寅日雨即日止辛卯日雨即日止  
 壬辰日雨辛丑日止癸巳日雨夕止甲午日雨即日  
 日止乙未日雨丁酉日止丙申日雨巳亥日止戊  
 戌日雨辛丑日止巳亥日雨即時止庚子日雨壬  
 辰日止辛丑日雨壬寅日止壬寅日雨即日止甲辰  
 日雨即時止乙巳日雨丙午日止丙午日雨即時  
 止丁未日雨即日止戊申日雨庚戌日止巳酉日雨  
 辛亥日止庚戌日雨即時止辛亥日雨癸丑日止

壬子日雨丑日止癸丑日雨卽時止甲寅日雨卽  
時止乙卯日雨丙辰日止丙辰日雨丁巳日止丁  
巳日雨卽時止戊午日雨卽時止巳未日雨卽時  
止庚申日雨甲子日止辛酉日雨卽時止壬戌日  
雨卽時止癸亥日雨卽時止  
子日雨立止不止寅日止丑日雨寅日止不止卯  
日止寅日雨立止不止卯日止卯日雨立止不止  
巳日止辰日雨立止不止戌日止巳日雨未日止  
不止申日止午日雨立止不止則十日陰未日雨  
申日止不止戌日止申日雨夕止見日不止久陰  
酉日雨立止不止久陰戌日雨立止不止久雨亥  
日雨立止不止久陰此其大槩也  
春雨雹寒不降夏雨雹臣作奸民饑一日夏雹傷  
禾稼所傷之方人不平之致有兵相敵當順風者  
勝逆風者負秋雨雹臣逆命九月雨雹不利牛馬  
至地不化臣爲奸冬雨雹天不順凡雨雹所起必  
有欲怨不平之事一日大臣殃故雹皆冬之愆陽  
夏之伏陰也

兩軍相持而雨雹，視風雨之所發，順擊之勝，軍行而雨雹，天不順也，不避必敗。雹下毀瓦，殺雞犬牛馬，臣不用命，擅作威福。雹下如積雪，臣謀弑逆。雹下如積冰，將相爲逆。

占雷電

茅子曰：吾聞之，雷者，天地之鼓，人君之象，入能除害，出能興利，爲天拒難折衝之臣。傳曰：雷者，陰陽和合震動萬方，春分發而秋分藏，非時而鳴，軍破國殃。又曰：雷應其候，使屈者伸，蟄者舒，此天威之喜也。震不應候，傷人擊物，此天威之怒也。逢彼之怒，必重以爲戒，而恐懼修省焉。至于霆者，急雷也。陰陽相薄，激而爲霆，霹靂者，金氣也。霹者，折也。霹者，歷也。言所歷皆折也。震者，戰也。所擊輒破，若攻戰也。至于電者，陽精之發也。陰陽擊耀，熱氣散而爲電，故差次其雷，而霆與電附焉。非時雷，賊臣起。

凡雷聲初發和雅，其歲善。雷聲激烈，歲惡。人災。

春雷不發秋雷不藏兵起國亡  
春雷起于東方五穀皆熟夜雷半熟起南方歲小  
旱夜雷大旱穀倍貴禾不成起西方禾半熟多蟲  
一曰其野有暴貴牛馬大災夜雷五穀蟲災人多  
病一曰穀貴大旱起北方海溢川湧五穀不成夜  
雷百川皆溢起西北方牛馬疫國有暴驚民滿野  
赤地千里  
春不雨而有雷音在地中者其所往兵起  
春一月四雷歲大熟

正月建寅爲震鬼門正月雷鳴謂之失時主疾  
死喪五穀不熟應在所發之方

三月雷鳴秋多盜賊

夏三月雷不鳴五穀不成人多疾病

秋月有暴雷爲天收百穀虛耗不成

九月雷穀貴

冬月雷鳴陰極生陽臣下叛逆

冬雷震驚萬物不成蟲不藏兵起

冬雷上朔其國亡所當之鄉骸骨盈野夜雷尤甚

冬雷屈折不及三年天下更令  
冬三月有大雷聞千里國君出走

冬三月雷鳴兵起利客不利主

冬雷而有星其下胡夷之王死中野又曰國王死其所

冬至日雷天下大兵起盜賊橫行雷雨大作不出  
五年國亡凡冬雷者陽氣不藏也各以雷鳴之日  
知何方亦曰各以兵辰為方

春二月甲子乙丑戊寅辛卯戊午之日有雷擊物  
其地有大兵雷大兵愈甚

春夏甲子丙寅戊子之日有雷擊物兵在外則有  
大戰無兵則兵起期不出三日

春巳丑丁丑夏甲午壬戌巳亥丁未甲寅又曰春  
戊寅夏戊申冬戊子日不雨而有雷電其聲光所

及有死將流血

夏甲子庚寅辛巳日雷蝗蟲生

夏三月甲子乙丑戊寅辛卯之日有疾雷大風有  
軍在外大戰圍城城壞無兵兵起

秋甲子日雷歲大凶庚午日雷其地兵起不出一月

秋三月庚子日雷有惡聲兵起不出一月

冬庚戌辛亥日雷正月米貴

甲子日大雷不出一月兵起

庚子日大雷不出一月有惡令亦為兵起

戊子日雷電易主以其日入月深淺一日當一月

或當一歲必有亡國一日戊子日雷雨三日止其

下大戰不可而雷外兵必歸兵起必阻

庚午日大雷不出一月有兵

八魁日有疾雷大戰大風起有急令八魁日見蒙

霧後

子日雷聲不時讒臣在君側又為兵喪子中有危

月燕燕主巧言故稱讒子中有虛日鼠鼠主盜賊

故稱賊子屬水水屬貪狼主兵子為哭星主喪丑

日雷聲不時天子巡幸將相遷易有兵起丑為勾

陳天子儀衛丑為牛儀衛遇牛故將巡幸牛為將

相雷以動之故將遷易丑為金庫庫動兵出



寅日雷聲不時、胡兵起、人大災、妖言惑眾、津梁不通、寅爲燕分、故胡兵起、寅居艮、艮爲鬼門、故八災、寅有箕宿爲口舌、故妖言惑眾、又爲析木之津、故津梁不通、卯日雷聲不時、王者太子災、庶子后災、卯有心三星爲王太子、庶子房爲后宮、故當其災、辰日雷聲不時、有兵、天子不安、有失土之憂、辰有角宿、角主兵、辰爲龍、龍遇雷則動、故天子不安、辰爲水土之庫、故有失土之憂。

巳日雷聲不時、蠻夷動、長沙吳分兵饑凶、巳中有長沙星、故云。

午日雷聲不時、天子淫於倡優、奢侈無度、天怒而火災、時作午、有張宿爲文繡樂府、又爲鶉火、故火災。

未日雷聲不時、大水、巫蠱作、大臣受誅、王者庫藏火災、歲凶、未有井宿、故大水、井有鉞星、故大臣受誅、又有鬼宿、故巫蠱作、鬼宿積金錢爲庫藏、未爲鶉首、故庫藏火災、鬼有積尸氣、故主兵疫、人死如



山  
申日雷聲不時主兵革擾亂將相災危申有參宿  
主兵所震之方兵動參爲七將故災及之  
酉日雷聲不時外夷入國西戎燕趙有兵寇邊酉  
中天節主蠻夷昂爲西戎畢爲邊兵燕趙分野故  
云  
戌日雷聲不時王者遷宮室土木興邊兵起火災  
戊爲樓臺震主動故遷宮室戊中有奎奎爲武庫  
爲封豕故邊兵起又有土司空故土木興戊爲火

庫故火災

亥日雷聲不時有水災暴寒殺物兵革饑饉亥爲  
六陰之極故水寒居乾屬金故殺物兵起  
雷聲應候當師出日時而鳴天昭其威兵必大勝  
雷聲起乾方人多疾疫起兌方兵水爲災金鐵貴  
起離方火旱生災起震方人死歲豐起巽方螟生  
傷禾一日雨電傷五穀大風起坎方水災歲凶起  
艮方米貴人死起坤方蝗生米貴  
非時之雷以所震之日時候其災福

非時雷擊爲妄擊獄寃政濫饑疫兵災所發之方  
爲兵所起所往之方爲兵所討發於東南東南兵  
勝發於西北西北兵勝風勝者尤吉

雷霆連日不止爲長擊謂之失信政猛令急民怨  
盜生

雷先震而電後陰盛陽微賊臣欲起殺伐弑奪  
無雷而雷一聲爲寡助曰天鼓兵亂國危大兵起  
於所發之方秋冬尤惡又曰無雲而雷曰天鼓當  
有暴兵又曰天鼓有音如雷非雷音在地而下及  
地其所往者兵發其下

雷震官府爲天怒政事不公

雷震宗廟爲天厭血食不久

雷震宮殿陵寢倒者國有謀逆社稷成墟

雷震貴人之殿小人持政地削君亡不出六年

雷震地裂大臣專恣士庶分離國且敗亡

雷聲不發君當振威武

軍發之日雷鳴坎上我凶若居我軍中大吉冬三  
月忽雷鳴者客軍利

軍發之日忽雷鳴一聲不宜進軍

軍行或對壘有雷從我軍起入彼軍中大戰大勝

從彼軍來我軍者敗

軍行日風吼雷鳴三五日血戰

軍行日霧赴我軍雷逐其後此天神功也大勝之

兆

軍中尤多迅雷者其軍罷

軍營上雷鳴一聲有勅命至

軍帳上忽震雷一聲宜搜奸伏

營上有暴雷霹靂主兵大敗

營上忽聞聲似雷鳴者有戰爭

雷擊樹木及諸物在彼軍營難與敵

圍城過旬無雷雨者城中有輔佐人宜審之

城邑上有雷非雷有兵爭

大雷而風雨具至者亂令大作百姓搖動

霹靂擊宮大夫謀逆不出五年交兵流血

霹靂擊宗廟是謂天戒人君暴亡不出八年削地

奪國

軍中有霹靂聲士卒謀反

先電而雷隨之者正先雷而後電者陰盛陽也人

君失德賊臣將起

電而無雨或電如聚火人君絕命

電光晝夜燭地三日不止其所發處起兵

雷既息或雨不雨而電發於潭洞溪壑之中者龍

所為也不占

占霜露

茅子曰吾聞之露陰液也和氣凝露立夏九十一

日涼風至萬物始實白露降露凝為霜寒氣從地

升也霜者陰精也季秋始降北斗當崑崙之上氣

運注於天下春夏為露秋冬為霜其占有切于兵

類序之

軍中霜成芒角遍於旗鎗之上不可動兵

霜下有聲外兵來伐

霜晝下刑罰妄濫宜省察軍情

霜不降者天氣不下施也君不恤民之象其占為

旱為火災

霜不殺物主來年蟲害五穀大饑

正月霜不着物見日不消主五穀百物不實牛馬多疫死

夏霜君死國亡冬三月無霜來年蟲害五穀

王者德至大和氣盛則甘露降而年豐

露黃色其甘如飴其膏附木樹非甘露也其名曰爵飴乃君恩露不常民不以恩露爲貴失於濫賞主爲災叛兵亂

天高無露旱災大露潤物主歲收

占冰雪

茅子曰吾聞之冰者陰之盛而水滯者也雪本雨也寒甚而空中風結之以成雪過多或非時則爲災故皆兵象也次其切者

水以春冰歲凶兵起水以夏冰歲饑民流胡兵起人主憂水以秋冰人憂兵起水冬不冰爲饑爲兵爲疫

水三月至九月有冰兵起

雨水冰陰氣脅水水先寒得雨而冰水冰名水介

介者甲甲兵象也有戰  
凡雪非時兵革將興敗亡之兆

春雪不消外戚專政天下饑民死亡

夏雨雪大兵起君死國亡司馬爲亂

秋雨雪兵起歲饑民多死一曰有奸賊

冬無雪五穀不成民多災

冬雪盈尺來年大豐

正月雪三日內消歲成雪七日不消大臣下獄秋  
穀不成又曰臣有不奉主命者

二月雪七日不消大臣死牛馬傷夏秋民不安

三月雪經日不消人相食大臣憂

正備志卷之...

...



正備志卷之...

